

ՀԱՄԱՐԱԻՐԵՐ

ՀԱՍԱՐԱԿԱԿԱՆ-ԳՐԱԿԱՆ ՇԱԲԱԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 ԿՈՊԵԿ

ԼՈՅՍ Ե ՏԵՍՆՈՒՄ ԿԻՐԱԿԻ ՕՐԵՐԸ

10 ԿՈՊԵԿ

ՐԱՃԱՆՑՈՐԴԱԳԻՆԸ տարեկան 3 բուրլ, կիւ տարուան 2 ր. 50 է. Բարեգործական Ընկերութեան անդամներէ, հայ պարոններէ, ուսուցիչներէ (ստորակէտ) հիմարկութեանց համար՝ տարեկան 3 ր., կէտ տարուան 3 ր. Արտասանման՝ տարեկան 3 ր., կիւ տարուան 3 ր.

ԽՄԲԱԿՐՈՒԹԻՒՆԸ՝ Քիֆիս, Արտադրական Կրպար. № 7.
Հեռախօս № 29.

Գտար հասցէն.—Тифлис, „Авдеевскъ“, Tiflise, Rédaction du Journal „Hambavaber“.

ՅԱՅՏԱՐԱՐՈՒԹԻՒՆՆԵՐ՝ առկին 10 կոպ.

Յժբազրութիւնը բաց է առաւտեան ժամի 10—3 բացի կիրակի և տօն օրերէց: Տպագրելու ուղարկուած ձեռագրերը կարող են ենթարկուել փոփոխման և կրճատման:

Տպագրութեան համար անյարժար նամակուած մեծ յօդուածները պահուած են վեց ամիս խմբագրատանը, իսկ փոքրերն անմիջապէս ոչնչացուած: Տպագրութեան համար անյարժար թղթակցութեանց և յօդուածների առթիւ խմբագրութիւնն պարտաւոր չի համարում գրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԿՐՈՒԹԻՒՆ.—Կարևոր խնդիր Ս. Յ. Բ.—ՀԱՄԱՇԵՍԱՐՀԱՅՐԻ ՊԱՏԵՐԱԶՄԸ.—ՆԵՐՔԻՆ ՏԵՍՈՒԹԻՒՆ.—Չօրակոչ Ա. և Բ. կարգի զօրականի.—Պարտադիր կարգադրութիւններ.—Քիֆիսի նահանգապետի և քաղաքային վարչութեան կոչերը.—Լուրեր.—Ա. Սաֆրաստեանի դասախօսութիւնը.—Պատերազմական գերիւնների առթիւ Ա. Տոնեանի.—«Ազատութեան լոյս» զբաղարանը քննարկարանի վարչութեան կոչը.—ԳԱԿԱՌ.—Աշտարակ, Լոբի և Նին Նախիջևան.—ՏԱՐԵԳՈՐԾ ԲԱՐԵԳՈՐԾՈՒԹԵԱՆ Կ. Հ. Բ. Ընկերութեան.—Հայ Կենտ. Կոմիտէն և Պարենաւորման դործը.—ԱՄԵՆԱՄԸ ՀԱՅՈՑ ԿԱԹՈՂԻԿՈՍԸ ԹԻՖԼԻՍՈՒՄ.—ՔՐՈՆԻԿՈՆ.—

ԱՐՏԱՔԻՆ ՏԵՍՈՒԹԻՒՆ.—Թիւրք աշխարհը՝ շերտասարդ թիւրքերի» գէտ, զօրավար Շարիֆ փաշայի.—ԼՈՒՐԵՐ.—Ա. ԼԱՇԿԵՐՏԻ ՆԻՐԸ.—Դոկտոր Վիլիամ Հարտովի Կրիստի Գ. Օ.—ՏԱՃԿԱՀԱՅԵՐ.—Քիֆիսի տարեկարծին Տ. Շաէրազի.—Տրապիզոնի սարսափներից.—Լուրեր.—ԳԵՂԱՐՈՒԾՅՈՍ և ԳԻՏՈՒԹԻՒՆ. Քոնստանդուպոլս, բանաստեղծ Ա. Կառ-Վ. Պոլսոյ.—Բաշինջաղեանի պատկերահանողը Տ. Աթաբէգեանի.—Մեշինկովի մահը.—ԳՐԱԿԱՆՈՒԹԻՒՆ.—Կուռօ Վ. Վալադեանի.—Դրական Նորուսթի Ննեւ.—ՄԱՍՈՒԼ.—ՎԵՐՋԻՆ ԺԱՄԻՆ.—ՅԱՅՏԱՐԱՐՈՒԹԻՒՆՆԵՐ.

ԿԱՐԵՒՈՐ ԽՆԴԻՐ

Համաշխարհային պատերազմը ամեն տեղ և ամենքի ուղարկութիւնը կենտրոնացրել է իր վրայ: Խօսուած են, փնտռուած և գրուած գլխաւորապէս կամ միմիայն պատերազմի մասին:

Նրեղծը բնական է. պատերազմի հետ կապուած է և մարդկային կեանքի և ամբողջ ազգերի ու պետութիւնների զոյութեան խնդիրներ:

Այդ հարցերի առաջ, ի հարկէ, նսեմանում են կեանքի միւս պահանջները և արտադրարտութիւնները:

Սակայն չը նայած պատերազմի այդ ճնշող դերին և ոյծին՝ կեանքի անիւր դարձեալ պտոյտ է դալիս իր ամբողջութեամբ և ահա տեսնում ենք իրենց ընթացքի և զարգացման մէջ թէ անտեսական, արդիւնաբերական ու առաւելական, թէ կրթական, թէ գիտական ու գրական, և թէ այլ տեսակ խնդիրներ, որոնց ամբողջութիւնը կազմում է այն, ինչ անուանում է կեանք:

Տարբերութիւնը միայն այն է, որ շնորհիւ պատերազմի՝ կեանքի այդ կողմերը խաղաղ ժամանակի հետ

համեմատած թոյլ են զարգանում և առկայիւն հետաքրքրութիւնը չեն զարթեցնում:

Փայլուն ապացոյց այդ մտքի կարող են լինել հենց մեր կովկասի վերաբերեալ նորերս լուծուած երկու խոշոր հարցերը:

Տասնեակ տարիների ընթացքում կովկասը ամեն ջանք գործ էր դնում ունենալու գէթ մէկ բարձրագոյն դպրոցական հաստատութիւն: Այդ նպատակով քանիցս խորհրդակցութիւններ ու ժողովներ են տեղի ունեցել, քանիցս դիմումներ են եղել բարձրագոյն կառավարութեան ու նիւթական միջոցներ են առաջարկուել երկրի կողմից, բայց այդ բոլոր աշխատանքները ապարդիւն էին անցնում: Կառավարութեան ղեկավարները միշտ խորթ աչքով էին նայում և թերահաւատութեամբ վերաբերում կովկասի բազմակեզու և բազմակրօն ազգաբնակչութեանը, թէ նա մուսաւատանի ներքին նահանգների ժողովուրդի հետ միշտ համահաւասար պարտականութիւններ է կատարել անձնուիրութեամբ, բայց համահաւասար իրաւունքներ չէր ազգաբար չի վայելել:

Կովկասի նախորդ Փոխարքայ Կոմս Վարանցով Դաշկովը ըմբռնեց այդ անարգարութիւնը և մեծ ջանքերով

կարողացաւ ստանալ Կովկասում բարձրագոյն բազմաբունեան դպրոց հիմնելու իրաւունքը:

Սակայն չուծուեց խնդիրը: Կառավարութիւնը տուեց իրաւունք, բայց չը տուեց ներթական միջոցներ և անա թէ ինչու գործը մինչև օրս մնացել էր մեռած կէտի վրայ: Պետական Դումայի վերջին նստաշրջանում Կովկասի պատգամաւորների արտահռիւժ ջանքերի շնորհիւ Դուման ընդունեց Թիֆլիսում բարձրագոյն բազմաբունեան դպրոց հիմնելու օրինադիւր:

Համարեա միաժամանակ Կովկասը արժանացաւ և մի ուրիշ բարձրագոյն դպրոցի, այն է՝ բժշկական բաժանմունքի (ֆակուլտետ), կից Թիֆլիսի բարձրագոյն կանանց գասընթացքների:

Եթէ ներկայումս չը լինէր արիւնահեղ պատերազմը, եթէ մեր կեանքը իր բնական ընթացքով տուաշանոր, այս երկու կարևորագոյն հարցերի բարեյաջող լուծումը, օրոնց մասին Կովկասը միշտ երազել է, ազգաբնակչութիւնը մեծ խանդավառութեամբ ու հրճուանքով պէտք է ընդունէր:

Բայց այդ չը նկատուեց. մամուլը մեծ մասամբ սահմանափակուեց լուրեր հաղորդելով, իսկ հասարակութեան վրայ էլ՝ ստացուած տեղեկութիւնը մի առանձին տպաւորութիւն չը թողեց:

Զարմանալի բան:

Կովկասի երկարամեայ ակնկալութիւնը, նրա իղձը, նրա ջերմ փափազը իրագործուած է և ժողովրդի կողմից ոչ մի նկատելի ուրախութիւն, ոչ մի առանձին հետաքրքրութիւն: Ճիշտ է, տպաւորութեան արտայայտութիւնը աւելի զգացմունքի խնդիր է. բայց եթէ մենք թոյլ տուինք մեզ այդ մասին մի քանի խօսք ասելու, մեր նպատակն էր ընտրողելու մեր անցողական ժամանակը և կրկնելու, որ պատճառը պատերազմն է:

Հարցի էականը կայանում է նրանում, որ մենք մօտ ապագայում կունենանք բարձրագոյն դպրոցներ, և մեր երիտասարդութեան մի մասը հնար կունենայ իր հայրենի երկրում ստանալ բարձրագոյն ուսում և կազատուի այն նեղութիւններից և ֆիզիքական քայքայումներից, որին անխուսափելի կերպով ենթարկւում է նա հիւսիսային սահմանամիջում:

Ուրախալի է, որ մենք ունենալու ենք բարձրագոյն դպրոցներ, բայց այդ դպրոցները պէտք է այնպէս լինեն, որ բոլոր ուսումնածաքաւների հաւարարութիւն տան:

Ներկայ տիրող կարգով այդ դպրոցներին արժանանալու են գիմնադիւս և այլ համանման պետական զբաղողացաւարտներ:

Եթէ այդ եղանակով ընդունելութիւն կատարուի, այդ դէպքում գուրս կը մնան համահասարակ ուսումնով մեր ազգային դպրոցաւարտները, որը շատ ցաւալի կը լինի:

Ծանկալի է, որ այդ նոր բացուելիք բարձրագոյն կրթական հաստատութիւնները հաւասար կերպով յազնցեն բոլոր ուսումնածաքաւ երիտասարդութիւնը. ցանկա-

լի է, որ այդ հաստատութիւնների դռները լայն բացուեն թէ պետական և թէ ազգային միջնակարգ դպրոցները աւարտողների առաջ:

Այդ է պահանջում արդարութիւնը, այդ են պահանջում և մեր երկրի իսկական շահերը, եթէ ընդունենք, որ մեր լաւագոյն ապագան կախուած է ուսման լայն տարածումից:

Այս հարցն արժանի է Ամենայն Հայոց Վեհափառ Կաթողիկոսի ուշադրութեան, որի իրաւասութեան ու հովանաւորութեան տակ են գտնուում մեր կրթական հիմնարկութիւնները. այդ հարցով պէտք է զբաղուեն և մեր միջնակարգ դպրոցների վարչութիւնները:

Ոչ մի արգարացի հիմք չը կայ, որ էջմիածնի ճեմարանը, թեմակալ դպրոցներն աւարտողները չ'ընդունուեն բազմաբունեան բարձրագոյն դպրոցը, իսկ Գայիանեան, Յովնանեան և սրանց նման միւս օրիորդաց դպրոցները աւարտողները չ'ընդունուեն բժշկական բաժանմունքը:

Հարկաւոր է օր առաջ խնդիր յարուցանել և ստանալ իրաւունք, որ մեր միջնակարգ դպրոցաւարտները կարողանան մանկ պետական որոշ բարձրագոյն դպրոցները:

Իսկ մեր դպրոցների ծրագրի մէջ ցանկալի է մըտնել որոշ ու անհրաժեշտ փոփոխութիւններ, մանաւանդ լեզուի վերաբերմամբ:

Անա մի խնդիր, որը շատ կարևոր է մեզ համար և որով անհրաժեշտ է այժմեանից լրջութեամբ զբաղուել:

Ս. Յ.

Համաժխարհային պատերազմը

ՏԱՃԿԱԿԱՆ ՌԱԶՄԱԲԵՄԸ

Մամախաթունի վերստին գրաւումից յետոյ՝ Բաքերդի նման կարևոր հանգոյցը կորցուած է թշնամու ձեռքից և յենարան է դառնում մեր քաջարի բանակին: Կարին այլևս ապահովուած է: Գիւմրի խանէն օրէցօր ռուս զօրքի ձեռքը անցնելու վրայ է և թշնամին ստիպուած է կծկուել դէպի արևմուտք: Միաժամանակ կատարելապէս հիմնաւորուած պիտի համարել Լորդ-Ջորջի այն խօսքերը՝ թէ «Արևելքում և Արևմուտքում միացրած ոյժերով յարձակումները խլեցին այլևս թշնամու ձեռքից նրա ձեռներէցութիւնը. անդառնալի կերպով խլեցին»:

Միւս կողմից Թիւրքիան օրհասական հարուած է ստանում Արարիայի ապստամբութեամբ, որ հետզհետէ ծաւալուած է: Ինչպէս հաղորդուած է «Ռուս» Մուզոն թերթը, Մէքքայի շէրիֆի զօրքերը, Մէքքան գրաւելիս՝ գերի են առել տանկի զօրքից 100 սպայ, մօտ 3 հազար զինուոր, 10 թնդանօթ և 16 զնգացիր: Մէդինէն արդէն գրաւուած է, իսկ Սիրիայի մէջ Ջէմալ փաշայի զործած նախճիրն ու աւերածութիւնը ոտքի է հանել Սիրիացիներին եւ:

Վերջին պաշտօնական տեղեկութիւնները տանկական ռազմաբեմից յայտնում են, որ Կովկասեան բանակի աջ թևը, Ջևիդ լիկի և Բայրուզդի շրջանում և դէպի արևմուտք նորից առաջ անցնելով ամեն տեղ տապալեց թշնամուն: Վերջին օրերս մեր զօրամասերը գերել են 85 թիւրք սպայ, 1200-ից աւելի ասկէր, 1 ծանր թնդանօթ և 3 զնգացիր եւ:

ԱՐԵՎԻԿԱՆ ԲԱՇՄԱՐԵՄԸ

ՊԱՐՏԱԳԻՐ ԿԱՐԳԱԴՐՈՒԹԻՒՆ

Անտրա-դերմանական ճակատում թշնամու ամբողջ ջանքերը կենտրոնացած են՝ պաշտպանելու Կովկասի ամրացած շրջանը, իսկ ֆրանսական ճակատի վրայ՝ Պերրոնի հանգոյցային կէտը։ Գերմանացիները շատ լուս զգում են Պերրոնի կորուստի վտանգը և աշխատում են ամեն պնդով պահպանել այն յանախակի յարձակումներով, որպէս զի բարելաւեն իրենց դիրքերը Սոմմի եզերքներին։ Համեմատաբար աւելի պակաս կորուստների գնով մեր զաջնակիցները շարունակում են թէև դանդաղ, բայց յամառաբար պատել գերմանական ճակատը։ Անգլիացիք արդէն իրենց ռազմական ճակատը առաջ են շարժել մինչև Լոգեալ գիւղը և գրաւել են այդ, որ գտնւում է Սոմմա գետից դէպի հիւսիս՝ 9 կիլոմետր հեռու։ Անգլիական բանակի այժմեան այդ յաղթանակը ստիպել է թշնամուն անցնել պաշտպանութեան երկրորդ փուլ վրայ։ Այդպիսով, Սոմմայի գետափներին զաջնակիցները ունեցել են յաջողութիւններ։ Վերդէնի շրջանում էլ գերմանացիների ոյժերը սկսել են ջլատուել, որովհետև ֆրանսացիք եռանդուն շարժում են ձեռնարկել Մասսի երկու ափերի վրայ։

Ինչ վերաբերում է Ռուսական արևմտեան ճակատին՝ ըստ հաղորդագրութեան Բարձրագոյն Սպայակոյտի, կարևոր անցքեր են տեղի ունենում Ռիկայի և Լոցկիի շրջաններում, այլև ձախ թնի վերջին ծայրերում։ Եթէ, ինչպէս ասում են հեղինակաւոր ռազմագէտները, համադրենք այդ ամենը Կեմերնայի արևմուտքում ունեցած մեր յաջողութիւնների հետ, այն ժամանակ հասկանալի կը լինի, որ այդ կողմերում հասունանում են մեծամեծ զործողութիւններ։ Առանձնապէս յամառ դիմագրութիւն է ցոյց տուել թշնամին՝ Սարնի և Կովկասի կողմերը, սակայն մեր զորքերը փշրել են դիմագրութիւնը և աւելի կնճռոտում են գերմանացիների պաշտպանողական ծրագրերը։ Թշնամին ստիպուած է մի կողմից դէպի միւս կողմը նետել իր ոյժերը և այդպիսով թուլացնել իր շարժումները։ Ռուս զորքը յաղթականօրէն առաջ է քայլում և արդէն նրա ձիաւոր վաշտերը երևացել են Կարպատների վայրէջքների վրայ, Պֆլանցեր-Բալդինի բանակի թիկունքում։

Ներքին տեսութիւն

ԶՈՐԱԿՈՉ Ա. ԵՒ Բ. ԿԱՐԳԻ ԶՈՐԱԿԱՆԻ

Բարձրագոյն հրովարտակ կառավարիչ Սենատին։ Անհրաժեշտ համարելով լրացնել պահեստի զօրամասերը և թիկունքի հաստատութիւնները և զօրեղացիներ սանիտարական հաստատութիւնները միտնենալով հրամայում ենք զօրակոչ անել կայսրութեան բոլոր նահանգներում, շրջաններում և քաղաքապետութիւններում։ 1) Երկրորդ կարգի գուգազի զօրականների (առանկի օպուշենիա) զօրակոչի 1916 թուականից մինչև 1901 թուականինը հետը հաշուած։ 2) Երկրորդ կարգի գուգազի զօրականներին միտնենալով 1916 թուականից մինչև 1906 թուականինը հետը, 3) Առաջին կարգի զօրականին 1916 թուականից մինչև 1893 թուականինը հետը, 4) Առաջին կարգի զօրականին միտնենալով 1916 թուականից մինչև 1893 թուականինը հետը հաշուած։

Զօրակոչի առաջին օրը վերոյիշեալ կարգերը սահմանել այս տարուայ յուլիսի 15-ը։

Կառավարիչ սենատը հարկաւոր կարգադրութիւնը կանի բազմակիսով։

Բսկականի վրայ Նորին Կայսերական Մեծութեան իսկական ձեռքով ստորագրած է

Կայսերական կայան 4 յուլիս 1916

Հաստատուել է պատերազմական նախարար գեներալ-ֆելդմարշալ Եւովայն։

1) Կովկասի պատերազմ. շրջանի գլխաւոր կառավարիչ գեներալ-Վոյսկին յայտարարում է, որ Կովկասի բոլոր նահանգներում շաքար ունեցողները պարտաւոր են անմիջապէս յայտնել վարչութիւններին՝ իրենց ունեցած պաշարի քանակը թէ այժմ և թէ հետգնեալ։ Ինչպէս յայտնուել է իրեն, շատերը շաքարի մեծ պահեստներ ունեն և թագցնում են, որպէսզի յետագայում թանգ ծախեն։ Այդպիսի զեղծարարները կենթարկուեն պատասխանատուութեան, 3,000 ռուբլ. տուգանքի և կամ 3 ամսուայ բերդարգելութեան։ Այս պարտադիր որոշումը բոլոր նահանգների և շրջանների համար է և յայտնուած է բոլոր նահանգապետներին։

2) Անգրկովկասի երկաթուղային գլխաւոր վարչութիւնը յայտարարում է, որ արգելում է երկաթուղով փոխադրել իբր ձեռքի ապրանք կայն ամեն տեսակի սպիրտային խմիչքների մի անձի համար աւելի գործածելու չափով։ Անաստողները կը տուգանուեն մինչև 500 ռ. և կամ կը պատժուեն մինչև 3 ամիս բանտարկութեամբ։

3) Նոյն գլխաւոր վարչութիւնը յայտարարում է, որ քաղաքականապէս արգելուած է ճանապարհորդել առանց տոմսակի։ Անտոմսակ ճանապարհորդողը, բացի կրկնակի վճարից՝ կը տուգանուի 500 ռուբլիով կամ կը պատժուի 3 ամիս բանտարկութեամբ։

ԹԻՖԼԻՍԻ ՆԱՀԱՆԳԱՊԵՏԻ ԵՒ ՔԱՂ. ՎԱՐՉՈՒԹԵԱՆ ԿՈՉԵՐԸ

Թիֆլիսի նահանգապետը, ամսիս սկզբներին քաղաքում տեղի ունեցող անկարգութիւնների առիթով հրատարակել է մի կոչ։ Այդ կոչի մէջ ասում է.

«Վերջին օրերս քաղաքի ծայրերում, թանգութեան պատճառով նկատուեց գլխաւորապէս կանանց ջղախոտ դրութիւն։ Ոստիկանութիւնը տրամադրելի բոլոր միջոցներին էր դիմում, որպէս զի զրդուած ամբողջ բերտ զոդութիւնների չը դիմէ՝ առեւտրականների դէմ։ Զանազան անձերի ցուցմունքով ոստիկանական պաշտօնականները երևան էին հանում թագցրած ապրանքներ և վաճառում էին ըստ սակագնի, այլև աշարջօրէն հսկում, որ ապրանքները չը ծախուեն սակագնից բարձր։ Այդպէս շարունակուեց մինչև յուլիս 4-ի երեկոյեան ժամի 6-ը։ Այդ ժամանակ, ճոթեղէն (մանուֆակտուրա) ծախող մի խանութ կիսովին ենթարկուեց կողոպտման։ Երբ ես վրայ հասայ, դուայ զրգուած մի մեծ քաղմութիւն, առաւելապէս կանայք, որոնք շրջապատեցին իմ կառքը և սկսեցին դանդաղատել, որ կեանքը չափազանց թանկացել է, որ առեւտրականներից ոմանք օգտուելով սակագնի բացակայութիւնից, անասելի գնելով են վաճառում կենսամթերքը և շատերն էլ ունեցած ապրանքը թագցնում են։ Վերջապէս մի քանի կին յայտարարեցին թէ համբերութիւնից դուրս գալով, պանգատի էին եկել ինձ մօտ, բայց նրանց թոյլ չեն տուել և այլև։»

Այնուհետև նահանգապետը իր կոչի մէջ ապահովեցնում է ազգաբնակչութեանը, որ վարչութիւնները ամեն միջոց ձեռք են առել՝ կանոնաւորելու համար անհրաժեշտ պիտոյքների գները և ինզրում է ազգաբնակչութեանը՝ զսպել ինքնիրեն, չը դիմել բռնի միջոցների և թանգութեան մասին բոլոր զանգատները հասցնել իրեն անձամբ կամ գրաւոր։ Կոչը վերջանում է հետեւեալ խօսքերով. — «Երևակայեցէք, թէ որքան են ուրախանում գերմանացիներն ու միւս արտաքին թշնամիները։ Ուշքի եկէք, Մի թոյլ տաք, որ մեր թշնամիները հրճուին։»

Նահանգապետը հետեւեալ օրը հրատարակեց հետեւեալ կոչը. «Այսօր համեայ Թիֆլիսը իրեն խայտառակեց մի անջնջելի արատով։ Ամբողջ օրը, յամօթ Թիֆլիսի, խանութները կոտորում

ու կողոպտում էին մինչև իսկ բանխմաց անձնաւորութիւններ, իսկ կողոպտումն չմասնակցողները թաւանդինքին խախտում, աշակցութիւն էին ցոյց տալիս: Մտածեցէք թէ ձեր վարմունքով որքան ուրախութիւն էք պատճառում գերմանացիներին: Ուրիշի ապրանքը՝ ունեցուածքը թաւանդում են կովկասի գլխաւոր քաղաքում, որ Փոխարքայի աթոռանիստն է, և այն էլ այնպիսի ժամանակ, երբ մեր քաղաքի զօրքը իր բոլոր ուժերը թափում է, որ ընկճի, յաղթի թշնամուն: Փոխանակ զօրքին բարոյական աշակցութիւն ցոյց տալու, դուք այդպիսով աշակցում էք թշնամիներին: Ուշքի հկէք, զաղարեցէք գերմանացիներին ծառայելուց: Հաւատացած եմ, աղգարնակութեան աւելի խելացի մասը կը սթափուի, կը զղջայ ու կը հանդարտի: Ասածներս չլսելու և անկարգութիւններ կրկնուելու դէպքում, ինձ մնում է դիմել մի միջոցի՝ զօրքի աշակցութեանը:

Նախազգուշացնում եմ, որ անկարգութեան փորձերը փողոցներում կրկնուելու դէպքում կը ճնշուեն զէնքով: Սթափուեցէք քանի ուշ չէ:

Անկարգութիւնների առիթով քաղաքային վարչութիւնն ևս արձակել է հետեւեալ կոչը.

«Մեր քաղաքի բնակչութեան մի մասը, երկրորդ օրն է ահա, որ պատճառարանելով թանգութիւնը, կոտորում է խանութները և թաւանդում ապրանքները: Այսպիսի միջոցներով ոչ մի կերպ չի կարելի կոռել թանգութեան դէմ: Ամեն մի ջարդ քրտմանի թաւան ու բռնութիւն է, որ անթոյլատրելի է քաղաքացու համար՝ ինչ զրութեան մէջ էլ որ լինի նա: Դուժան խնդրում է քաղաքի բնակչութեանը՝ զաղարեցնել այդ բռնութիւնը.—այդ ձեռնառու է միայն մեր թշնամիներին, որոնք այդ բանը կը նկատեն իրեն մեր թուլութիւն՝ բանակի թիկունքի: Կոռենք թանգութեան դէմ միասին ուրիշ միջոցներով—տակաւորով, կենսամթերքներ հասցնելով, շահագործողների դէմ կոռելով և չմոռանանք, որ թիկունքում տեղի ունեցող յուզումները մեր զօրքերին զրկում են հոգեկան անդորրութիւնից ճակատում և խանգարում են օգնութիւն հասցնելու մեր բանակին»:

ԱՐՇԱԿ ՍԱՖՐԱՍՏԵԱՆԻ ԳԵՍԵՒՈՍՈՒԹԻՒՆԸ

Նրեքշարթի, ամսիս 5-ին, Թիֆլիսի Արհեստաւորաց ակումբի զահլիճում տեղի ունեցաւ պ. Արշակ Սաֆրաստեանի, թերթիս աշխատակցի և երբեմն Բաղէշի անգլիական փոխ-հիւպատոսի զասախօսութիւնը—«Ճանապարհորդութիւն դէպի Կարին և Վան»:

Սաֆրաստեանը, Լոնդոնի լող քաղաքագետի ներկայացուցիչների՝ Բըքստընի և ընկերների հետ վերջիս զանուելով Հայաստան, ունկնդիրներին տուաւ մի շարք հետաքրքրական տեղեկութիւններ:

Դասախօսութեան նիւթ էր ուղեորութիւնը դէպի Կարին, քաղաքի զրութիւնը անցնալու և ներկայում, մի այցելութիւն դէպի Բաքը—բանակապանի գրքերին, Բասէնի—Ալաշկերտի զրութիւնը և հայերի ներգաղթի պայմանները, Կարնի զրութեան համեմատութիւնը Վանի զրութեան հետ, Վանի և շրջակայքի ներկայ պայմանները, քաղաքի քաղաքական վարչութիւնը և ներկայ կազմը զօրացնելու անհրաժեշտութիւնը:

Դասախօսը, մի շարք կենդանի նկարագրութիւններից յետոյ, ծանրացաւ երկրի վերաշինութեան գործին նպաստող ընկերութիւնների գործունէութեան վրայ, շնչոյց նրանց համագործակցութեան պէտքը, Ապա նա խիստ բառերով զատապարտեց այդ ընկերութիւնների նեղ կուսակցութեան և հատուածական ոգին, որով մեծապէս տուժում է վերաշինութեան գործը: Նա համեմատեց հայերի գործունէութիւնը՝ ամերիկական և անգլիական կոմիտէների գործունէութեան հետ և դատաւ, որ վերջիններս կրկնապատիկ աւելի գործ են կատարել, քան հայ ընկերութիւնները բոլորը միասին: Պատճառը նրանց գործնական, կարող և

նպատակայարմար կարգադրութիւններն են, մինչդեռ հայ ընկերութիւնների ապշեցուցիչ զանազակոտութիւնը և իրար ջլատող շարժումները զրթէ ապարդիւն են դարձնում հասցրած օգնութիւնը:

Դասախօսը, հիմնուելով երկրում տիրող պայմանների ծանօթութեան վրայ, կոչ արաւ հայ ընկերութիւններին, որ երկրի վերաշինութեան սրբազան գործում իր ապէս համերաշխութիւն պահանքն և ոչ թէ ձեականօրէն: Շնչոյց նաև մամուլի և հասարակութեան կատարելի դերը այդ գործում, մէջ բերեց Անգլիացի և Ամերիկացի բարեկամների խորհուրդները և զասախօսութիւնը վերջացրեց ցանկութիւններով, որ վերաշինութեան գործը զրուի լաւ, համերաշխ և գործնական հողի վրայ:

Դասախօսութիւնը վերջացաւ ժամը 11-ին: Ուսուցչական Միութեան կողմից և նրա առաջարկութեամբ ժողովումին նախագահող պ. Վ. Փափազեանը, որ սկզբում ունկնդիրներին ծանօթացրել էր պ. Ա. Սաֆրաստեանի հետ, վերջումը շնորհակալութիւն յայտնեց զասախօսին՝ շահագրգիռ զասախօսութեան համար:

ՊՍՏԵՐԱՉՄԱԿԱՆ ԳԵՐԻՆԵՐԻ ԱՌԹԻ

Շատ հոգսերի մէջ իր տեղն է զբաւում նաև պատերազմական գերիների արդի վիճակը: Մենք յաճախ այս կամ այն պարբերականում կարդում ենք նրանց աղեկտուր, սոսկալի վիճակի նկարագրութիւնները: Մեր ձեռքն են ընկնում նամակներ, որոնց միջոցով խորամանկութեամբ իրանց տառն օրերն են ողբում: Ո՞վ չէ մեզնից մի վայրկեան շմել ու զայրոյթով լցուել: Ո՞վ մեզնից պատրաստ չէ եզել նրանց օգնութեան ձեռք կարկառելու, սփոփելու: Սակայն մի վայրկեան—անցնում է այդ, անցնում է մեր զայրոյթը ու խիղճը: Ռուսաստանում դեռ նոր են երևան զայիս գերիների հոգսով զբաղող կազմակերպութիւններ: Եւ եթէ այսօր մտածուում է մեր գերիների մասին, պարտաւոր ենք Բաղաքների ու Ջեմակի Միութիւններին: Ահա միակ գործօն մարմինները, որոնք արթուն հակում ու համում են Հայրենիքի կանչին: Սակայն, երբ մեզնում գործը դեռ կազմակերպման շրջանումն է, մեր զանակից երկրներում կայ մշակուած գործունէութիւն: Ահա մերանսին, որի կորովի մայրերը կազմակերպել են մի հսկայ միութիւն, որի շարքերում կարելի է տեսնել ամեն խաւերից: Գեղկուհին միացած նախարարի կնոջ հետ կազմում են այդ միութեան հոգին: Ամեն մի անդամուհի պարտաւորուած է իր ոյժերի ներածին չափ շահամայր զառնալ թշնամու երկրում գտնուած գերիների համար: Իւրաքանչիւր սանամայր պարտաւորում է փոքրիկ ծանրոցներ հասցնել—պաքսիմատ, շապիկ, վարդիկ, թուղթ, ծխախոտ, սապոն և ապա նամակներով վառ է պահում նրա սրտում հայրենիքի և յուսոյ կայծերը: Գերիները ազատ ու կատարեալ հնարաւորութիւն ունին թղթակցել ու իրենց խիղ տանամայրերի հետ:

Այս մի օրինակելի դաս է մանր ազգերիս համար: Ո՞ր գիւղը, որ հայ ընտանիքը չունի տառապող գերի գինուոր մեր ժան թշնամիների ձեռքի տակ: Ո՞րը մեզնից անկարող է հինգ կամ երեք տուրանոց մի ծանրոց ուղարկելու իրենց բարեկամին, ծանօթին կամ թերևս անծանօթ գերի գինուորին, մի բացիկով որի վրայ ստացողը կը գրի իր շնորհակալութիւնը, որով և կըստեղծուի մի բաղձալի յարաբերութիւն: ԶԷ որ այսպէս է սկսել փրանսուհին և այս ձևով է միխիթարում տարեգիր գերիներին:

Դանիացոց Կարմիր Սաչի մէջ տեղ զբաւող ոռու Մալինովա, Ռոմանովա և Եւալիլ զթութեան քոյրերը այնպիսի աղեկաւոր փաստեր են տուել մեզ, որ քար պիտի լինի մեր սրտերը, որպէսզի արձագանգ չտայ: Ահա թէ ինչ են գեկուցել ի միջի այլոց:

—Մեր գերի ընկած առիւծները Աւստրիայում առաջի ամիսները քնել են բացօթեայ, սակայն երկաթաթելերով շրջափակուած

գաղտնիություն: Անձրեկից, ցրտից պաշտպանություն համար, ստիպել են հենց իրենց՝ գերիներին խրամատներ փորելու և այնտեղ ծուարություն: Չեն ամաչել և անգթորեն մեր գերիներից խել են չոր, ոտնաման և նոյնիսկ զինուորական պարզենք ու խաչեր, նախապես ծեծելով և հրացանազարկ անելով:

Մոռենցն այնպես է տրուում, որ գերի զինուորները ենթարկւում են զանդադ, բայց թէ անդարձ քայքայման ու հիւժման: Հնդկախառնություններն ու թուրքախառնություններն չեն բժշկում: Խլում են մեր զինուորների ոտնամանները, տալով փայտից շինուած ոտնամաններ, որոնցով անհնար է անց ու դարձ անելը:

Պատիժները պակաս անխնայ չեն իրանց դաշնակից կարմիր լեւերներին ու նման Վամպիրների գործելակերպից: Չնչին պատճառներով կախում են մերոնց: Կախում են զրույթի մէջ թողնում են այնքան, որ զոհի արիւնհոսութիւնը խանգարւում է և արիւնը սկսում է թափուել քթից, բերանից և այլն: Այդ շարունակւում է մինչև ուշագնացութիւնը: Հազիւ ուշքի եկած, նորից կըրկնում են այս զգուշի գործողութիւնը, մինչև որ ուշագնաց զրույթի մէջ տանում են հիւանդանոցը: Առանց հացի ու կերակրի թողնելը շատ սովորական բաներ են Աւստրիայում:

Պուրջատւում աւստրիացոց ենթասպան ծխախոտով է այրել քնած գերիների մատները: Իսկ Վիսիթուրգում սպան է նոյն ձևով այրել մեր զինուորների երեսները:

Ի վերջոյ, երբ քոյր Մասլինովան հրաժեշտ է տուել Պուրջատւում իր հայրենակիցներին, զգացում ու լցում են երկայ է եղի հազարաւոր գերիների «Վրէժ և վերջնական յաղթութիւն» գոչող ամբոխի մորթոքին... և հազիւ է իրան զսպել:

Ինչմէ, ուրեմն, անձնուրաց ու քաջ մեր զինուորին չխրախուսեք օտար ու դաժան երկնքի տակ:

Սոված, տկուր, բոկոսն ու ամեն բանի կարօտ գերի մեր եղբայրները յոյս են դրել մեզ վրայ: Դադաքների և Ջեմալի Միւսթիւնները արդէն ծանրոցներ են ընդունում ու հասցնում գերիներին: Թող ամեն ոք մասնակցի այս ձեռնակին: Մանրոցները զիտի ուղարկել այս հասցէով. Петроградъ, Конюшная 12, т.—Нъ 664—94:

Արամ Տօնեան

«ԱՋԱՏՈՒԹԵԱՆ ԼՈՅՍ» ԳՐԱԴԱՐԱՆ-ԸՆԹԵՐՑՈՐԱՆԻ ՎԱՐՉՈՒԹԵԱՆ ԿՈՉԸ

1908-ի Օսմ. սահմանադրութիւնը թիւքթաւայ մշակութային կեանքը մասամբ ապահովելով՝ ծնունդ տուաւ ամեն կարգի ձեռնարկներու:

Վասպուրականը ամենէն առաջ մեծ թափով նետուեցաւ դէպի գործ և Վասպուրականի երիտասարդութիւնը 1908-ին հիմնած «Ազատութեան-Լոյս» գրադարան-ընթերցարանով էր, որ ասպարէզ եկաւ օրդանական աշխատանք կատարելու:

Տարի մը առաջ էր, որ այդ հսկայական գրադարան-ընթերցարանը իւր հազարաւոր գիրքերով ու պարբերականներով զարկ կուտայ հայ կեանքի վերազարթնումին. այսօր, սակայն, մոխրացած է անիկա իւր հսկայական զրականութեամբ:

Վասպուրականի երիտասարդութիւնը ձեռնարկած է վերակազմելու այդ գրադարան-ընթերցարանը մօտիկ ապագայի վերաբնութեան գործին նպաստելու համար: Վերակազմուած վարչութիւնը այն հաստատուն յոյսն ունի, որ շուտով պիտի կանգնի տէր, նորէն երկրին մէջ և այդ իսկ համոզումով կը դիմէ հայ հասարակութեան—թերթերու խմբագրութիւններուն, հեղինակներուն, հրատարակչական ընկերութիւններուն և ամեն հաստատութիւններուն, խնդրելով անոնցմէ աջակցութիւն թերթերով, գիրքերով և ուրիշ կարգի նուիրատուութիւններով:

1916, յունիս 18, Երևան: Հասցէն՝ Эривань, Векиловская ул. № 5. Грандъ Г. Каринянъ

Լ Ո Ւ Ր Ե Ր

Նախարարական խորհուրդի վերջին նիստին, լեհական հարցի հետ՝ հրէական հարցն էլ առաջադրուեց: Ծանկութիւն յայտնուեց գործադրութեան գնելու իշ. Շչէրբատովի շրջաբերականը: Վերջնական որոշումները կը լինին արտասահմանից Բարկ և Պակրովսկի նախարարների վերադարձից յետոյ:

Նախարարական խորհուրդը որոշել է վերահսկողութիւն հաստատել հասարակական բոլոր կազմակերպութիւնների վրայ: Վերահսկիչ մարմինն մասնակցելու կը հրաւիրուեն նաեւ ներկայացուցիչներ Դադաքների և Ջեմալովյանական Միութիւններից:

Ինչպէս յայտնի է, յուլիս 1-ից նշանակուած է գործադրութեան հանել կօշիկդէնի նոր սակագինը: Ռուսաստանում արդէն երևում են հետեւանքները: Խոշոր առևտրականները արդէն շուկայից վերացրել են այն կօշիկները, որոնցով նրանք չեն կարող մեծ աշխատանք ունենալ ըստ սակագինների: Էժանագին կօշիկները նոյն իսկ առաջին օրերում սպառւում են և այլն:

Ռուստովում, ինչպէս հաղորդում է «Ռուս. Միւսլով»-ը, ճութաւաճառները իջեցրել են բոլոր ճութերի գինը 15—20%: Մանրավաճառները թէ այդտեղ և թէ Տազանրոգում յայտարարել են, որ պիտի վաճառեն այսուհետեւ պակսեցրած գներով:

Բարձրագոյն հրամանի համեմատ, որպէսզի անյապազ քրննուի Կովկասեան լեռնաշղթայով երկաթուղի անցկացնելու հարցը—ձեռնարկուած է ինժեներ Կոչինսկու նախագծի մանրամասն քննութեանը, որը և իրագործելու համար անդական գրամատէրերից կազմակերպուած է մի խումբ:

Մուշից «Հարիզոնի» թղթակից Համօ Մակարեանը հաղորդում է.

Բժշկական գործը թէ քաղաքում և թէ դաշտում կանոնաւոր է: Բաղ. Միութիւնը քաղաքում բացել է հիւանդանոց՝ ամեն յարմարութիւններով: Դաշտի գիւղերում բժշկական մասը վարում է Հ. Կ. Կոմ. բժ. պ. Մանուշակեանը, որը շարունակ շրջում է գիւղերը, իսկ ծանր հիւանդներին փոխադրում է քաղաքի հիւանդանոցը: Ծնորհիւ Հ. Կ. Կոմիտէի տեղիս լիազօր պ. Կ. Սասունու և իր երկու ներկայացուցիչներին՝ Մշոյ շրջանի գաղթականական գործերը տարւում են կանոնաւոր կերպով: Գործիչները գլխաւորապէս աշխատել են սնունդի մասին: Նրեք ամսուայ ընթացքում նոյն Կոմիտէի պահեստից գաղթականներին արուած է մօտաւորապէս տասը հազար պուդ ցորեն և գլու:

Այժմ շրջանում ցորենը վերջացել է և մինչև նոր հունձը գաղթականութեան մի մասը հացի մեծ կարիք պէտք է ունենայ և սպասւում է սով: Այդ պատճառաւ էլ գաղթականութեան համարեա կէսը պէտք է փոխադրել Կովկաս: Լիազօր պ. Սասունին հեռագրով դիմել է Կոմիտէին, որ անմիջապէս ալիւրի պահեստներ հիմնեն Մուսունում, Ղարաքիլիսէում, Դուրախում և Խնուսում:

Մօտկանի շրջանի գերութիւնից ազատուած հայերը պատմում են, որ այնտեղ հացի մեծ կարիք են զգում: Փախստականների պատմելով Մօտկանի շրջանի հացը բոլորովին սպառուել է: Սովամահի գէպերը են պատահում թէ հայերից և թէ քրդերից:

Խնուսից Մուրադը հեռագրում է գաղթականական գործի գլխաւոր լիազօր գն. Թամամշին և Դադաքների Միութեան

կովկասեան բաժանմունքի լիազօր Այ. Խատիսեանին, որ այնտեղ գտնուող փախստականները սովից մեռնում են: Սովամահութեան դէպքերը շատանում են: Եկել էին 561 փախստական, նորից եկան 843. մեծ կարիք կայ ալիւրի և հագուստի:

Գ Ա Ւ Ա Ր

ԱՇՏՆԱԲԱԿ, 24 յունիսի.— Այս տարի մի չարարաստիկ, մի և տարի է ինչպէս ամբողջ աշխարհի, այնպէս էլ Աշտարակի համար:

Դիւղացութիւնը երկու տարի շարունակ զրկուած լինելով խաղողի բերքից, ցաւ ու դարդի մէջ ապրելով հազիւ-հազ կարողացաւ քարշ տալ իւր դոյութիւնը մինչև այս տարի, յուսալով, որ այս տարուայ բերքը կազատուի բնութեան պատահարներից, որով և կը հոգայիր կարիքները. սակայն իզուր անցան այդ յոյսերը: Այս տարի մի անասելի առատ խաղողի բերք էր սպասուում:

Բայց աւաճ, շուտով երևան եկան դաժան ճմրտ և չոռ՝ հիւանդութիւնները, որոնք կամաց-կամաց աւերում են մեր առատ բերքերը: մինչև խաղողաքաղ այգիներում ոչինչ չի մնալ. բացառութիւն են կազմում մի քանի այգիներ, Մծուձը կամ արջասպ (կուսարոս) չկայ այստեղ, որ զոնէ մի չնչին մասը կարողանայինք ազատել: Այսպիսով մեր խեղճ գիւղացութիւնը այս երրորդ տարին է, որ զրկուած է խաղողի բերքից:

Յորենի բերքը նոյնպէս վատ է: Հունձը արդէն սկսուել է:

Աշխատաւոր ձեռքերի մեծ կարիք է գզացում: Հասարակ բանուորը օրեկան 3 ռ. է ստանում:

Տղամարդկանց գերը մեծ մասամբ կատարում են կանայք և երեխաներ: Անգութ խանութպաններն էլ իրենց արշաւանքն են սկսել: Ապրանքները առասպելական գների են հասցրել: Ի՞նչ կը լինէր խեղճ գիւղացու դրութիւնը, եթէ չլինէր տեղիս սպառողական խանութը: Եթէ պաշտահում է, որ սպառ. խանութից սպասում է մի որեւէ ապրանք, միւս խանութներում նոյն ապրանքը ուղիղ մէկուկէս թանգ են ծախում:

Գնունի

ԼՈՐԻ ԿՊՐՈՑԸ (Չանգեղուրի գաւառ)

Տաթևի վիճակի Լոր գիւղը ունի մօտ 70 տուն բնակիչ, որ պարապում է այգեպանութեամբ, երկրագործութեամբ և անասնապահութեամբ:

Դիւղը ունի կրթուած երիտասարդութիւն, որ ապրում է Բաղում, մի փոքր մասն էլ Դրոզնիում: Համալսարանականներն ու միջնակարգ դպրոցն աւարտողները գերակշռող տոկոս են կազմում: Մնացածները հանքերում են աշխատում, կամ էլ արհեստաւորներ են և ունեն իրենց սեփական արհեստանոցները:

Պարապմունքներից այգեպանութիւնը գլխաւոր տեղն է բռնում և շատ օգտաւէտ է միայն պտղաբեր տարիներում: Այգիների ծառերի մեծ մասը խնձորենի է, որ այստեղ շատ լաւ է աճում, մանաւանդ մի քանի տեսակները: Խնձորենուց բացի տարածուած է տանձենին, նաև դամբուլինին ու կեռասենին: Այս երեք տարի է ինչ այգիները ոչինչ չեն տալիս և եթէ իւրաքանչիւր գիւղացու վրայ իր այգիների զնաք տարեկան միջին թուով 500 ռ. գցենք, 3 տարուանը կը լինի 1500 ռ., իսկ ամբողջ գիւղի զնաքը 100,000-ից աւելի:

Եթէ աւելայնենք անօրինակ թանդութիւնն ևս, աշխատող ձեռքի պակասը, անցնալ տարուայ ցորենի չը լինելը—հասկանալի կը լինի գիւղացու ծանր կացութիւնը: Եւ այժմ գիւղում տուն չը կայ, որ պարտք արած չը լինի այս նեղ օրերը մի կերպ կտառվարուելու համար:

Արդ այսպիսի դրութեան մէջ մտածել դպրոցի մասին աչքի ընկնող մի պատուարեր երևոյթ է, որ գալիս է ցոյց տալու թէ

ինչպէս գիւղացին հասկացել է ուսման անհրաժեշտութիւնը, որ հացի հոգսի հետ աշխատում է որդուն անուսում չը թողնել:

Լորի դպրոցը հիմնուել է դպրոցների վերաբացման հենց առաջին տարին: Հնութեան կողմից նա կարող է մրցել ուրիշ շատ դպրոցների հետ:

Վերաբացումից յետոյ եղել են մի շարք ուսուցիչներ, որոնց մէջ նաև Դաւենիկ Գեալաշեանը: Կարօտով և անձկութեամբ են յիշում գիւղացիք այն վարժապետներին, որոնք լաւ անուս են վաստակել իրենց աշխատանքով:

Այս տարի ուսումը շատ ուշ՝ նոյեմբերի 5-ին սկսուեց, իսկ վերջացաւ մայիսի 28-ին:

Հիմնուելու օրից ի վեր դպրոցը ունեցել է երեք բաժանմունք: Բայց այս տարի ի նկատի ունենալով, որ տարին ուշ սկսուեց, և որ Դ. բաժանմունքի աշակերտները թուով քիչ են, հոգաբարձութիւնը, տեսչի կարգադրութեամբ, Դ. բաժանմունքը միացրեց երկրորդի հետ: Աշակերտների ընդհանուր թիւը՝ 33 էր, որից 29 տղայ, 4 աղջիկ. մինչդեռ անցնալ տարիներում աշակերտների թիւը 60-ից անցնում էր:

Աշակերտների մեծ մասը լորցի են—24 հոգի և 4 աղջիկ, իսկ Գետաթաղից 7 տղայ, Դարաբասից—1, Դարաբասը Լորից հեռու է 2 վերստ, իսկ Գետաթաղից 1: Աշակերտների երթևեկութիւնը, ձմեռուայ ցրտի և բուքի պատճառով, երբեմն ընդհատւում է:

Դպրոցը ունի սեփական շէնք, որ շինուել է 1910 թ. երիտասարդութեան և գիւղացիների ջանքով: Դպրոցի շէնքը ունի 3 մեծ, լուսաւոր սենեակ: Պարապմունքները լինում են մի սենեակում. միւսն ազատ է:

Տարուայ ընթացքում եղել է երկու աշակերտական հանգէս, երեք զուտ մանկական ցերեկոյթ, երեք զրօսանք. երկու ծնողական ժողով և հոգաբարձութեան վեց նիստ: Մի քանի երիտասարդի մասնակցութեամբ եղել է երեք ներկայացում, որոնց մուտքը ձրի է եղել. միայն թէ կամաւոր կերպով հաւաքուել է մի դուժար լրագրի համար:

Աշակերտներից փոխադրուել են 25 հոգի, մնացել են 8 տղայ զանազան պատճառներով: Այս տարի թոյլ է եղել գրուորը, տեսրակի սղութեան պատճառով: Մի տղանի տեսր բնաւ չի եղել. տեսրակները ծախուել են 10 կոպէկով:

Ողորմելի է դպրոցի բիւջէն. մուտք՝ Բազուի երիտասարդութիւնից—100 ռուբլի, թոշակադրամներից—156 ռ., եկեղեցուց—40 ռ., ուխտատեղուց—40 ռ., զրքերի վաճառումից—9. ռ., բեղամենը—345 ռ.: Ելք—Ուսուցչի առճիկ—300 ռ., բնակ. վարձ—30 ռ., թեմական տուրք—10 ռ., դիւանական ծախք—20 ռ., ընդամենը 360 ռ. նուազուրդ (դեֆեցիտ) 15 ռ.:

Այս տարի վեհափառ Կաթողիկոսը բարեհաճել է դպրոցական ֆոնդի գումարներից տարեկան 200 ռ. նպաստ նշանակել: Դիւղացիներն էլ—ծխական ժողովում որոշել են ծխական տուրք տալ ըստ չափի կարողութեան: Հասարակութիւնը դիմում է ուղարկել վեհափառ Հայրապետին՝ Որոտնայ աւերակ վանքի կրկնազատիլ ուխտի օրուան եկամուտը յատկացնելու դպրոցին: Հոգաբարձութիւնն էլ դիմել է Դրոզնու և Բազուի երիտասարդութեանը և խնդրել է, որ իրենց առճիկների մի որոշ տոկոսը յատկացնեն դպրոցին: Դիմել են տ. Շ. Տէր Մարգարեանին, որպէսզի վերջինս էլ մի որոշ նպաստ յատկացնի: Տ. Շ. Տէր Մարգարեանը իր ծընողների յիշատակը յաւերժացնելու համար տարիներ առաջ իբր հայրենի դպրոցին 300 ռ. է խոստացել, բայց մի թիւրիմացութեան շնորհիւ մերժել է իր նպաստը: Հոգաբարձութիւնը խնդրել է, որ յարգելի տիկինը ուղարկութեան շառնի նման թիւրիմացութիւնները և շարունակի իր նպատը: Մի դիմում էլ ուղարկուած է Դրոզնիայեան կղբ. Փանեաններին:

Սպասուելիք այդ գումարներով պիտի շէնքի պակասները լրացնեն և նսարաւորութիւն եղած դէպքում դպրոցը երկզսանան դարձնեն:

կրթմանը դեղձուկի որդուն հայ ոգով, որ յաւիտեան վառ
փայ հայի օջախը հուրը՝ անշէջ:

25 մայիսի

Քակունց Ազ.

ՀԽՆԱՆՔԻՋԵԻԱՆ, 14 յունիսի.—Վաղածանօթ լինելով մեզ
Հին-Նախնական իր պատմական անցելով, երևակայում էինք
տեսնելու իւր խորհրդաւոր անուան համապատշաճին փառաշուք
հնութիւններով լեցուն մի յուշարձան-թանգարան՝ հայրենի ան-
ցնայ փառքի նուիրական բեկորներու և քաղցր յիշատակներու:
Մակայն առաջին հայեացքէն իսկ՝ աւելի շուտ ասիական
յետ ընկած քաղաքի տպաւորութիւն է թողնում:

Բայց երբ սկսում էք ի մօտոյ հետաքրքրուել, արդարեւ ձեր
առջև բացւում է նոր քաղաքի հարաւային կողմում ընդարձակ
դարձանդը հին քաղաքատեղու շերտ-շերտ, աղիւսաշէն որմերի
փլատակներով, որ տարածւում են ամբողջ բարձրաւանդակի եր-
կայնութեամբ՝ մինչև Նոյեան տապան կոչուած հայկական հին գե-
րեզմանոցի հարաւային ծայրը. ընդարձակ հողակոյտի վարէն մինչև
ի վեր նկատւում են աւերակներու յաջորդաբար շինուած հետքեր,
Նոյեան տապանի արևմտեան եզիրքում մի գեղեցիկ բլրակի
վրայ վաղուց ի վեր շինուած կայ արարական բոլորածն, ցա-
նիկ մի դամբարան Նոյեան տապան անունով, որի միջով մարդ
հազիւ կրնայ անց ու դարձ ընել:

Այս պատմական գերեզմանոցի արևմտեան ուղղութեամբ՝
փլատակուած դարձանդի խորքերում՝ բացւում են մի շարք ա-
ղիւսաշէն, կամարակապ շիրիմներ մեռելներու աճիւններով, նա-
խապատմական ժամանակներէ ծնացած:

Պատմում են որ այս ձմեռ գեներալ Հիւսէին խան Նախի-
ջնանկին՝ երբ Թիֆլիսէն պիտի այցելութեան գար իր ծննդա-
վայրն Նախիջնան, բարձրաստիճան, բարեպաշտ տիկնայք անոր
փոքրիկ, գեղեցիկ քարեր յանձնեք են բերելու Նոյեան տապանի
որմերուն վրայ կայցնելու, որպէս փորձ իրենց ուխտի կատար-
ման կամ ոչ:

Խանն իր հետևորդ չքախմբի ուղղեկցութեամբ գնալով Նոյ-
եան տապան՝ իր յանձնարարականը կատարելու, վերադառնում է
ուրախութեամբ, որ ուխտի քարերն կպած են եղեր որմերուն:

Նախիջնանի հնութիւններու առաջին տեղը բռնում է արա-
բական բազմակիւնի մինարէն, որ իր զրուակաւոր, գեղաշէն
կերտուածքներով կարող է համարուել հին ճարտարապետութեան
հրաշալիքներէն մին, որ կանգուն է եօթն հարիւր տարիներէ
ի վեր:

Վերջին դարու գործ են քաղաքի թէ եկեղեցիները, թէ
մզկիթները: Շինութիւններու մէջ ամենէն աւելի աչքի են զարնում
Հայոց եկեղեցիներն իրենց հոյակապ կերտուածքներով: Երեք Ուո-
բան կոչուած եկեղեցու դարդ և փառք եւրոպական՝ անմասն
զատկերն՝ Փրկչի Մննդեան՝ Սուրբ ընտանիք կոչուածն «Sainte
Samuel», որ արդէն յայտնի է իր գեղարուեստական ինքնուրոյ-
նութեամբ և հմայիչ տեսքով ու ձևով: Այս նկարը բոլոր այցե-
լուներուն հիացումն և զարմանք պատճառեց: Այս հրաշալիքը
վերջերս երևան հանուած է վիճակի առաջնորդ Սիօն վարդա-
պետի ջանքերով, որն որպէս հասարակ նկար մի անկիւն
ձգուած եղեր է միշտ, մինչդեռ այժմ մեծ գոռուութեամբ և խնամ-
քով է պահուած յատկապէս իրեն յատկացրած խօրանի մը մէջ՝
հորաշէն, փառաւոր խաչկալով: |

Թանգարանէք, հաղուաղիւտ նկարը շատ հմուտ վրձնի գործ
է, եւրոպայէն բերուած ունիթոններու ձեռքով, որու հայեաց-
քէն մարդ յափշտակուած է և դժուարութեամբ զատուում: Եւրո-
պացի հնագէտները գնահատում են մինչև հարիւր հազար ֆը-
րանկ և ենթադրում են, որ մօտ հինգ հարիւր տարուայ գեղա-
րուեստական սքանչելիք է:

Նախիջնանը յայտնի է և իւր շրջապատի վանքերով, որոնց
մէջ առաջին տեղը բռնում են Երնջակի և Նախավկայի հնադա-
րեան վանքերը, որոնք ուրախառիթ տպաւորութիւն են թողնում

այցելուներու վրայ՝ իրենց գեղեցկադիր սրբավայրերով և կա-
տարուած նորոգութիւններով:

Երնջակը պահում և միդասեան երկու սեռի դպրոց:

Այս երկու վանքերը բարեբաղդաբար երեք տարուայ ի վեր
յանձնուած են վիճակի առաջնորդ Սիօն վարդապետի հսկողու-
թեան: Եւ այս ամենը ի մասնաւորի պարտական ենք հայր ա-
ռաջնորդի ջանքերուն և հոգածութեան:

Բայց՝ որ ամենէն հետաքրքրականն է և դարմանալի՝ այսօր
այդ միշտ մուրացիկ աղքատութեան դատապարտուած վանքերն
ի շնորհս հայր Սիօնի խնամատարութեան՝ ունին քանի մի հա-
զար ուրիշ գումար տնտեսուած, իրենց ապագայ վերաշինու-
թեան և պայծառութեան, որ պարբերաբար առաքուած են իւր
կողմէն և իւր ձեռքով հոգևոր բարձր իշխանութեան պահպանու-
թեան:

Վ. Վարժապետեան

ՏԱՐԵԳԻՐ ԲԱՐԵԳՈՐԾՈՒԹԵԱՆ

Կ. Հ. Բ. Ը. Խորհ. յուլիսի 2-ի որոշումները.—Համա-
ձայն առաջարկութեան Սորհրդի պ. Տ. Աֆրիկեանը նամակով
յայտնում է թէ ներկայ տարուայ սեպտեմբերի 1-ից սկսած մին-
չև պատերազմի վախճանը դպրոցների օգտին իւր նշանակած
տարեկան 6000 ռ. նպաստի վրայ աւելացնում է 25%—այն է
1500 ռ.: Բացի այդ սոյն դպրոցական տարուց յատկացնում է
Օշականի ս. Մեսրոպեան դպրոցին նպաստ իւրաքանչիւր տարին,
500 ռ., որոնց աւելացնելով Զխարի դպրոցին տարեկան 300 ռ.,
ընդամենը 8300 ռ. տարեկան նպաստ: Սորհուրդը ի նկատի առ-
նելով այս ջերմ վերաբերմունքը դէպի կրթական գործը գրաւոր
նորից յայտնեց իւր շնորհակալութիւնը:

— Որոշեց յայտնել շնորհակալութիւն Ղազանի վիճակի Վե-
րին Սոտանուն գիւղի դպրոցի Հոգաբարձութեանը, ի նկատի
ունենալով նորա սրտացաւ վերաբերմունքը իւր խնամքին յանձ-
նուած դպրոցին:

Գանձակի փոխանորդի ժողոված առեկահայ փոխաւանանե-
րի օգտին № 9 հանգանակութեան գրքոյքով, յօդ. 1—75, 24
դեկտ. 1914—17 մարտի 1916

Մուտք. 1) Թիֆլիսի Հայոց Կենտր. Կոմիտէից 1000
ռ., 2) Զանազան աղբիւրներից նուէրներ 1616 ռ. 34 կ., ընդամե-
նը 2616 ռ. 34 կ.:

Ելք. 1) Դանձակի հայոց յանձնաժողովի որբանոցին 1000
ռ. և զանազան ծախսեր 1616 ռ. 34 կ., ընդամենը 2016 ռ. 34 կ.:

Գրադարան-Ընթերցարան.—Յունիս ամսուան ըն-
թացքում Կ. Հ. Բ. Ը-թեան կենտրոնական ընթերցարանն են
յաճախել 2,100 կիւն և 1,800 այր, ընդամենը 3,900 հոգի: Գրա-
դարանից տրուած է տանը կարդալու համար՝ հայերէն 1,503
գիրք և ուսեւերէն 633, ընդամենը 2,136 գիրք:

Գրքերի ստուգութեան պատճառով գրադարան-ընթերցա-
րանը 13 օր փակ էր, այնպէս որ այդ թուերը վերաբերում են
միայն 17 օրուան:

— Ի նկատի ունենալով մի քանի ուսուցիչների խնդիրները,
որոնք դիմելով Սորհրդին ուսուցչական հիմնադրամից (Ֆոնդից)
նպաստներ էին խնդրած, Սորհուրդը որոշեց տալ Գ. Դերգեանին
միանուագ 60 ռ., Բ. Յարսկի Գոլոցի դպրոցի ուսուցիչ Յակոբ
քան. Գրիգորեանին միանուագ 50 ռ. և հիւանդանոցի ծախսերը, Գ.
Փիրնաւուս գիւղի դպր. ուս. Սարգիս Ղազարեանին 50 ռ., Դ. Դու-
շէթի հանդ. վարժուհի Ս. Ղազարեանի մօրը՝ Նկատիւնէ Ղազա-
րեանին թաղման համար արած ծախքի համար 25 ռ., որ նախ-
կին տուածով լինում է 50 ռ.:

Կ. Հ. Բ. Ը-թեան Խորհուրդը շնորհակալութեամբ ստացել է—

Գ. Աղէքսանդր Մելիք-Ազարեանից 1915/16 զարոնական տարուայ դպրոցական նպաստ 900 ա.:

Եսայի, Ալէքսան, Եղիա և Միքայէլ Զանփուղեաններից ի յիշատակ իրենց հօր՝ Բաբա Մանուկեան Զանփուղեանի յօգուտ փախստականների 200 ա.:

Գ. Ղ. Այդինեանի միջոցաւ պ. Համբարձում Եսայեանից յօգուտ հայ որբերի 300 ա.:

Թիֆլիսի I մասնաւոր լոմբարդի ծառայողներից յօգուտ հիւանդանոցի 7 ա. 97 կ.:

Հայկ. Կենտ. Կոմիտէ

Կովկասեան գործող բանակի հրամանատարը, գաղթականական գործով զբաղուող—լիազօր Թամամշեանի միջոցաւ յայտնում է Հ. Կենտ. Կոմիտէին, որ այսուհետեւ թոյլատրում է գաղթականներին վերադառնալ ու բնակութիւն հաստատել Արճէշի շրջանում, որտեղ է նաեւ Մանազկերաւ: Այդ շրջանը վերադառնալ կարող են միայն բնիկները:

Պետրոգրադի պատերազմից փաստաւոր հայերին օգնող Ընկերութեան Կոմիտէի Վարչութիւնը խնդրում է Հայ. Կենտ. Կոմիտէին՝ Ամերիկա գնացողներին ծանուցանել հետեւեալ պայմանները. 1. Ամերիկա գնալ այժմ կարելի է միայն Վաղիփոստովով և Շվեդիայով. 2. Ամերիկա գնացողները պէտք է իրանց անցագրերը Անդրկովկասում վաւերացնել տան. 3. Պետրոգրադի պատերազմից փաստաւոր հայերին օգնող ընկերութիւնը, որպէս զի խրախուսած չլինի հայրենիքից Ամերիկա վերադառնալ, որոշել է Պետրոգրադից անցողներին շտապ ոչ մի դրամական օժանդակութիւն. 5. Ամերիկա գնացողները Անդրկովկասից դուրս գալու ժամանակ պէտք է ունենան 300 ռուբլուց ոչ պակաս դրամ, որպէս զի կարողանան հասնել Ամերիկա առանց արգելքի:

Հ. Կ. Կոմիտէն ուղարկեց Տրապիզոն պ. Ս. Տէր-Յակովբեանին, իբրեւ անդամ Տրապիզոնում փախստականների համար կազմած յանձնաժողովի օգնական հայր Տէր-Մեսրոպ Մելեանի:

Շնորհակալութեամբ ստացուել է Սամարկանդի հայ կանանց թէյարանից յօգուտ գաղթական որբերի 150 ա.:

ՎԵՐՋԻՆ ՀԵՌԱԳՐԵՐ

ՀԱՅԿ. ԿԵՏՐ. ԿՈՄԻՏԵԻՆ

X—Գրիգորեանից

Շորեր չունենալու պատճառով գաղթականները սաստիկ նեղուում են: Բիթլիսից Մուրադը հեռադրում է, որ գաղթականները և որբուկ երեխաները վերադառնում են բոլորովին մերկ. հարկաւոր է շուտափոյթ օգնութիւն:

X—Ղամարեանից

Մուշի գաղթականները հարիւրներով գալիս են, հարկաւոր է նրանց ճանապարհի համար հազար պուդ ալիւր և հինգ հազար ռուբլի սննդատու կայարանների համար մինչև Ալաշկերտ:

Ալիւրը խնդրում ենք շուտով ուղարկէք Սարիղամիշի վրայով Խնուս կամ Գեփրիքէօյ. փոխադրութիւնը Ղամարեանի հասցէով կուտարեցէք:

Ղարաքիլիսա (Ալաշկերտ)—Փարաջանեանից

Մուշից և Խնուսից հասել են տեղա առայժմ 450 գաղթական: Սպասուում են նորերը: Մթերքները ձեռք են բերում շատ թանգ գներով:

Պետրոգրադ—Մ. Պապաջանեանից

Գնեքալ Թամամշեանին յայտնուած է՝ պարենաւորման նախահաշուի մէջ մտցնելու նաեւ Բիթլիսի, Մշոյ և Խնուսի շրջանի պատերազմից փաստաւորներին:

Պետրոգրադ—Մ. Պապաջանեանից

Գնեքալ Թամամշեանին յայտնուած է, որ Պետական զանձարանից բաց է թողնուած յատկացնելու գաղթականական դպրոցների և որբանոցների համար 215,000 ռ. միանգամից և 210,000 ա. դարձեալ նոյն նպատակի համար:

Նոր-Բայազէզ—Կ. Հ. Բ. Ընկ. ճիւղի Վարչութիւնից

Փոխադրեցէք 3,000 ռուբլի 200 որբի համար: Որբանոցի հաշիւները յանձնել ենք պոստին. նորից 100 որբի համար տեղ ենք պատրաստել:

Հ. Կենտ. Կոմիտէն—Ալաշկերտ Փարաջանեանից

Տեղափոխել տեղիդ որբանոցի կազմից աւելի հաւաքուած 200 որբերին Նոր-Բայազէզում բացուած նոր որբանոցները:

Նոր Բայազէզ—Կ. Հ. Բ. Ը-թեան ճիւղի Վարչութիւնից

Տեղաւորեցինք մեր որբանոցներում Հին Նախիջևանի որբանոցի 48 որբերը, որոնք տեղափոխուած են մեր որբանոցները Վ. Միւսասեանի ուղղեկցութեամբ:

ՊԱՐԵՆԱՌՄԱՆ ԳՈՐԾԸ

Կ. Հ. Բ. Ընկերութիւնը, ինչպէս արդէն յայտնի է լրագրութիւնից, գաղթականների պարենաւորման գործը կազմակերպելու համար ստացել է կառավարութիւնից փոխարինարար 900,000 ա.:

Այդ ուղղութեամբ անցնելով գործի կազմակերպման, Կ. Հ. Բ. Ընկ. ապրիլի վերջերից սկսեց իր գործունէութիւնը: Արդ՝ մինչև այժմ բացել է Կովկասի քաղաքներում և գիւղերում, ինչպէ՛ս որինակ՝ Երևանում, Վաղարշապատում, Իզմիրում, Ալէքսանդրապոլում, Մեծ-Ղարաքիլիսայում, Ներքին-Ախտայում, Երևանովկայում, Նոր-Բայազէզում, Գանձակում, Քարվանսարայում, Դիլիջանում, Աղստաֆայում, Սարիղամիշում, Բաշքէօյում և Վանում պահեստներ գաղթականներին կենսական մթերքներ հայթայթելու համար:

Բացի այդ վերջերս Կ. Հ. Բ. Ընկերութիւնը ստանալով Խոյի Մուշի, Ալաշկերտի և այլն շրջաններից յուրեք տեղումը գտնուած գաղթականութեան մեծ կարիքների մասին՝ ուղարկեց իր լիազօր ծանօթանալու տեղական կարիքներին և ըստ հնարաւորութեան շուտափոյթ կազմակերպել այդ վայրերում ևս գաղթականների պարենաւորման գործը բաց անելով պահեստներ և սպասարկական խանութներ:

Այդ նպատակով ցարդ զանազան ֆիրմաներից Կ. Հ. Բ. Ը-թիւնը մինչև յուլիսի մէկը գնել է 348 վազոն ալիւր—վազոնը 1000 պուդ,—ուրեմն 348 հազար պուդ, որից մինչև օրս ստա-

ցուել է 68 վագոն և ուղարկուել է հետեւեալ վայրերը:—Ալեքսանդրապոլ՝ 5 վագոն, Գանձակ՝ 5, Իզդիր՝ 20, Վաղարշապատ՝ 10, Մեծ-Ղարաքիլիսա՝ 10, Ջուղա՝ 5, Նախիջևան՝ 4, Երևան՝ 19, Սարիղամիշ՝ 4, Քարվանսարա՝ 1, Դիլիջան՝ 1, Ելենովկա՝ և Նոր-Բայազիդ՝ 3 վագոն:

Շաքար զնուած է 26 վագոն, որից մինչև յաւիտի մէկը ստացուած է (25, 29 յունիսի) 11 վագոն և ուղարկուած հետեւեալ վայրերը՝ Վաղարշապատ 1 վագոն, Սարիղամիշ 1, Երևան 1, Ալեքսանդրապոլ՝ 2, որտեղից 400 պուդ պիտի ուղարկուի Մեծ Ղարաքիլիսա, Իզդիր՝ 1, Աղստաֆա՝ 1 վագոն 971 պ. 34 ֆ., որտեղից ըստ կարգադրութեան ուղարկուած է 300 պ. Գանձակ, 100 պ. Քարվանսարա, 100 պ. Դիլիջան և 481 պ. 34 ֆ. Ելենովկա:

Ամենայն Հայոց Կաթող. Թիֆլիսում

Ինչպէս լսում ենք, Ամենայն Հայոց Կաթողիկոսը հետեւեալ հարցերն է յարուցել բարձր մարմնաւոր իշխանութեան առաջ. ա) ազատ վերադարձ փախստականների իրենց վայրերը՝ Վան, Ալաշկերտ, Բայազետ և այլ ապահով և անվտանգ վայրեր. բ) միջոցներ տալ փախստականներին սերմացու, գործիքներ և լծկաններ տալու՝ վերականգնելու իրենց անտեսութիւնը, գ) տալ սահմանած նպաստը անողի մինչև վերադարձութիւնը, դ) միջոցներ ձեռք առնել փնտնելու նուաճուած երկրներում որբ հայ երեխաներին և զ) բոլոր եկեղեցիներում վերսկսել ժամատոցութիւնը և վերականգնել առաջնորդութիւնները:

Պետրոգրադի համագումարի ընտրած լիազօրները պէտք է ժողովուրդին այս ամսի 2-ին իրադարձելու համազումարի որոշումը. Պետրոգրադի լիազօր Ա. Ասիբեզեանը և Մոսկուայինը՝ Ս. Մամիկոնեանը չէին եկել և ժամանակին չէին ուղարկել համագումարի արձանագրութիւնը: Մնացեալ լիազօրները Կովկասի և Նոր-Նախիջևանի պ. Գ. Չախուշեանը կազմեցին ժողով, որին հրաւիրեցին այժմ Թիֆլիս ուրիշ գործով եկած Պետրոգրադի ուսուցչապետ Վ. Ի. Վարդանեանին և որոշեցին պ. Չախուշեանի մօտ գտնուած համագումարում կազմած հայ կազմակերպութիւնների միութեան կանոնադրութիւնը ներկայացնել ներքին Դործոց նախարարութեան հաստատութեան:

Այդ կանոնադրութեան հիման վրայ, հայ կազմակերպութիւնները զաղթականական գործերի համար տարէնը երկու անգամ պէտք է ժողովուրդին հիմնադրեն, իսկ մշտապէս գործելը վարելու համար Թիֆլիսում լինելու է մէկ գործադիր մարմին՝ կազմուած 7 հոգուց:

Անցեալ շաբաթ Ամենայն Հայոց Վեհ. Կաթողիկոսին ներկայացաւ Ուսուցչական Միութիւնը, որի նախագահ պ. Ս. Աւետեանը Նորին Վեհափառութեանը հայ ուսուցիչների կողմից մատուց խնդիր, որի բովանդակութիւնն է. կազմել մի յատուկ յանձնաժողով, 1) Ուսուցիչներին նիւթական վիճակը բարելադրել և դասագինը բարձրացնելու. 2) Աշխատաւոր ուսուցիչներին թոշակարկղ սահմանելու և 3) նոր հրատարակուած ներքին կանոնադրութիւնը կէտ առ կէտ գործադրել տալու:

Վեհափառ Հայրապետը սիրով լսեց ուսուցիչներին և կարգադրեց կազմել խնդրուած յատուկ յանձնաժողովը, յարելով, որ իւր սրտին շատ մօտ են այդ խնդիրները և թող այդ լոկ խօսքը կարծուի:

Վեհ. Կաթողիկոսին այս շաբաթ ներկայացան զանազան անձեր, ընկերութիւնների և հաստատութիւնների ներկայացուցիչներ և այլն:

Քրոնիկոն

Թիֆլիսի ոստիկանապետի նախաձեռնութեամբ շուտով կը բացուի շրջ. ոստիկանութեան ծառայողների տնտեսական խանութը, որի կանոնադրութիւնը Փոխարքան արդէն հաստատել է: Խանութին կից կրացուեն նոյնպէս արհեստանոցներ և փոխեր:

Էջմիածնի Ճեմարանում արդէն սկսել են վերանորոգութիւնները և սեպտեմբերին պիտի սկսեն ուսումը: Ուսուցչական խումբը արդէն հրաւիրուած է, որ մինչև օգոստոսի 20-ը լինեն Վաղարշապատում:

Յուլիսի 1-ին առաջնորդարանում կայացած փախստական որբերին օգնող հայ կազմակերպութիւնների ներկայացուցիչներին խորհրդակցութիւնն ընտրեց մի կենտրոնական մարմին՝ Ամենայն Հայոց Կաթողիկոսի հովանաւորութեամբ և Մեսրոպ եպիսկոպոսի նախագահութեամբ:

Կուկիա թաղամասի մի խումբ բնակիչներ խնդրամատուց են եղել նահանգապետին, որ իրենց թոյլատրուի Թիֆլիսում հիմնելու սպասողական ընկերութիւն՝ «Կուկիայի կօօպերատիւ» անունով:

Կանանց բարձրագոյն դասընթացներին կից բացուելիք բժշկական բաժանմունքի կահաւորման համար Բազուի Նախարարի նախնորդների խորհուրդը խոստացել է 100,000 ու., իսկ Գ. Աւանիսի Իւզրաշեանը տուել է 10,000 ու.: Դասախօսութիւնները պէտք է տեղի ունենան դասընթացների այժմեան չէնքում, իսկ փորձական դասերը լինելու են Արամեանի հիւանդանոցին կից. ինժեներ Չուրաբեանին արդէն յանձնարարուած է համապատասխան յարան տատրաստել: Ունկնդրել ցանկացողները այժմեանից պէտք է խնդիր ներկայացնեն դասընթացների տեսչի անունով:

Թղթի Թանգութեան և տաղարանական ծախսերի սղութեան պատճառով Թիֆլիսի ուս. թերթերը հատաւաճառի պէնը աւելացրել են 1 կոպէկով, այն է՝ 6 կոպէկի փոխարէն 7 կոպէկ:

Թիֆլիսեցի Ա. Թումանեանը թոյլտուութիւն է խնդրել վրացերէն լեզուով մի շաբաթաթերթ հրատարակելու «Սոմէխտա ծխոժը է բա» (Հայկական կեանք) անունով:

Ալեքսանդրեան ուսուցչական ինստիտուտին կից բացուած են երկշաբաթեալ դասընթացներ բարձրագոյն տարրական դպրոցների 40 ուսուցիչների համար՝ զրական-պատմական և բնագիտական-մատենատիկական բաժանմունքներով:

Կ Մ Ի Ք Ա Յ Է Լ Ս Ա Լ Ա Մ Բ Է Գ Ե Ա Ն

Ամսիս 3-ին Միքայէլեան հիւանդանոցում 81 տարեկան հասակում մեռաւ Թիֆլիսին լաւ յայտնի ճարտարապետ-ուսուցիչ Միքայէլ Սալամբեզեանը: Թիֆլիսում նա եղել է դասատու, հասարակական գործիչ և Գայիանեան դպրոցի զլխաւոր հիմնադիրներից մէկն ու խնամակալը: Սալամբեզեանը ունի շատ աշակերտներ և յարգուած էր որպէս ազգասէր ու մարդասէր անձ:

Երկու օր (յուլիս 6 - 7-ին) Թիֆլիսի ելէքտրաբարձը չը բանեց՝ նահանգապետի կարգադրութեան համաձայն. 8-ից վերսկսուեց:

Յուլիսի 6-ին Թիֆլիսի քաղաքային վարչութեան մէջ, նախագահութեամբ նահանգապետի, տեղի ունեցաւ խորհրդակցու-

թիւն կենսամթերքի օակագրի մասին: Յիրաւի կենսամթերքի գների կամայականութիւնը այն աստիճանի է հասել քաղաքում, որ, օրինակ շիշը 11 կոպ. գնած (մեծ քանակութեամբ և տեղում) Նարդանի գոմացուցիչ ըմպելի՝ խանութներում ծախում են 40 կոպէկով և այն էլ յաճախ օչ սառը: Նոր որոշուած սակագները շուտով գործադրութեան կը դրուեն:

* *

Կանանց բժշկական բարձրագոյն դասընթացքն Թիֆլիսում, ինչպէս հեռագրում են ռուս. Վէդ. թերթին, կը բացուեն սեպտ. 1-ից: Այս տարի բացուելու է առաջին դասընթացքը: Խնդրամատոյց են լինում ընդունելու նաև տղամարդկանց: Կին-ուսանողուհիների թիւը անպին է և հետզհետէ շատանում է:

* *

Նոր սակագինը Թիֆլիսում.—Ամսիս 8-ին Թիֆլիսում հրատարակուեց կենսամթերքի նոր սակագին, որից քաղում ենք հետևեալները.—

Ընդեղէնն երից՝ գետնախնձոր՝ ֆ. 5 կ.,—կաղամբ—5 կ., սոխ—5., կանաչ լոբի—7 կ., կարմիր—8 կ., վարունգ—տաս հաւը 10—15 կոպ.: Պտուղներից.—ձմերուկ—ֆ. 3 կ., սեխ.—ֆ. 4 կ., խաղող երևանի՝ ֆ. 20 կ., Գանձակի—15 կ., լիժն—հաւը 20 կ., պանիր թուշի—ֆ. 45 կ.: Սապոն—ֆ. 36 կ., շաքար—23—34 կ.: Իւղի, հացի, բրնձի, մսի և այլն գները թողուած են նախկինը: Սակագին կայ նաև ճոթեղէնների համար:

Արտաքին տեսութիւն

Թիւրք ԱՆԵԱՐԸ՝ ԵՐԵՎԱՆԻ ԹԻՒՐԿԵՐԻ՝ ԴԷՄ

Արարների ապստամբութիւնը, որ այնքան յանկարծակի պայթեց—չանթահար մի հարուած է շերտասարդ թիւրքերի համար: Միաժամանակ ալ ապստամբութիւնը ազդարարում է Օսմանեան պետութեան կատարեալ քայքայումը, որ բնական հետևանքն է այն անարդար ու ոճրային վարմունքների, որ կառավարութեան գլուխն անցած աւագակային խումբը գործադրել է հպատակ ազգերի վերաբերութեամբ, այն է՝ խմբային կոտորածներ, մահապատիժներ և քաղաքական հակառակորդների սպանութիւններ:

Հայերից, ալբանացիներից և յոյներից յետոյ՝ արաբներն են, որոնք ենթարկուեցին ինքիհաթականների վայրենութեանց, և այն՝ նշանաւոր Ջէմալ փաշայի հրամանով. մի փաշա, որին ուղում էին ցոյց տալ իբր ֆրանսուէր: Ջէմալ փաշան իր գործը սկսեց՝ կախել տալով Դամասկոսի պատգամաւոր Շէֆիկ Բէյ էլ Մօէյադին, յետոյ կախաղան հանեց Արդիւ-Համիդ էֆէնդի Ջէմալիին, որ Պարսկում նախագահ էր արաբների համագումարին: Կախուած է նաև Արդ-էլ-Կադէտի մի որդին, որ համակրում էր ծրանսիային:

Եւ եթէ քիւրդերը դեռ չեն ապստամբուել, պատճառն այն է, որ նրանք շատ լաւ գիտուած լինելով և լեռնաբնակ, հեռու են մնացել երիտասարդ թիւրքերի ոճրագործ ձեռքերից:

Հայերն արդէն բազմաթիւ անգամներ տուժել են և իրենց արիւնը առատութեամբ թափել՝ կրած տանջանքների դէմ իրենց զայրոյթը արտայայտելով: Օսմանեան պետութեան բոլոր ցեղերը, առանց բացառութեան՝ կեղեքուել են այդ արիւնարբու և գիշակեր աւագակների ձեռքով: Այսօր արաբներին է հասել կարգը: Արդէն այլևս համբերութիւնին հասած՝ ամբողջ իսլամն է, որ ոտքի է ելնում Օսմանեան պետութեան գլուխը անցած այդ

անասուած և անզգամ աւագակների դէմ, որոնց պաշտպան են հանդիսացել ոչ-իսլամ պետութիւնները, նոյնքան անզգամ, ինչպէս իրենց Կ. Պոլսի մեղսակիցները:

Արդ, ըստ աւանդութեան խալիֆի պետութիւնը անհրաժեշտօրէն և իրապէս պէտք է անկախ լինի որեւէ օտար իշխանութիւնից: Եւ եթէ Արաբիան իր անկախութիւնն է հռչակում այժմ—որա պատճառներից մէկը պիտի համարել այն ստրկական լուծը, որին ենթարկուել են այժմ իսլամ պետութիւնները՝ մշտնելով օտարների ազդեցութեան ներքոյ:

Իր աշխարհագրական դիրքովը անկախ՝ Արաբիան կարող պիտի լինի նուիրական մի սրբափայլ դառնալ Հնդկաստանի, Եգիպտոսի, Սիրիայի և Միջագետքի և Հիւսիսային Աֆրիկայի համար, ուր տեղի մահմեդականները այլևս դիւրութիւն պիտի ունենան ուխտի գնալ դէպի սրբազան քաղաքները—Մէքքա և Մեդինէ, առանց այլևս ենթարկուելու երիտասարդ թիւրքերի իշխանութեանց հարստահարութիւններին:

Արաբական այս ապստամբութեան ծաւալուելու շնորհիւ՝ օսմանեան պետութեան բոլոր ասիական տիրապետութիւնները, մինչև Բաբէլ—Մանդէթի նեղուցը՝ զատուելու են բոլորովին: Եւ երիտասարդ թիւրքերի բանակները, այլևս շոկուելով ծովային հաղորդակցութիւններից, ապստամբուող արաբ ցեղերի դէմ կռուելիս՝ հանդիպելու են մեծ զօնարութիւնների: Արաբների դէմ ստիպողաբար ուղարկուող ոյժերով կը ջլտուեն Սիրիոյ մէջ տեղի ունեցած գործողութիւնները: Այդպիսի վիճակում՝ զաշնակիցների ոյժերը սպառնական կարող են դառնալ Արաբիոյ հիւսիսում և հուսական ճնշումները աւելի ու աւելի յաջողութիւններ կ'ունենան Կովկասի կողմից:

Այս զօնարութիւններին պէտք է աւելացնել և այն, որ արաբական ապստամբութիւնը կանգրադառնայ առ հասարակ իսլամ աշխարհի վրայ և մանաւանդ հիւսիսային Աֆրիկայի, որ ամբողջովին բնակուած է արաբներով: Հաւանական է նոյն իսկ, որ Սիրիացի արաբները, քաջալերուած իրենց կրօնակիցների յաջողութիւններից, իրենց խառցած զօգոնութիւնը կարտայայտեն Ջէմալ փաշայի ոճիրների դէմ, որ գնալով սաստկանում է: Այդ աւելի մօտ է իրականութեան այն պատճառաւ, որ թիւրք գործողուցները հեռզինտէ արդէն սկսել են հեռանալ այդ կողմերից:

Արաբիոյ շարժումները անշուշտ իրենց անդրադարձումը կ'ունենան նաև Կ. Պոլսում, ուր հիմքերից կը խախտուի այժմեան այն կառավարութեան դիրքը, որ բաղկացած է այսպիսի մի հաւանութիւնից.—Թալաւթը որպէս բացարձակ տէր, էնէր փաշան՝ նրա գործիքը և իշխան Սայիդ Հալիմ փաշան ցուցադրական մեծ վէզիրը:

Չէ հնչում արդեօք հատուցման, պատժի ժամը:

Զօրավար Շէրիֆ փաշա

(«Մաթէն» 24 յունիս)

Ճրանսական նոյն թերթը («Մաթէն») հաղորդում է, որ Մէքքայի շէրիֆը արդէն տիրել է Մէդինէին: Ապստամբ ցեղերը ոչնչացրել են Հիջազի երկաթուղին և կարել թիւրք զօրքի ճանապարհը:

ԼՈՒՐԵՐ

Ինչպէս հաղորդում են թերթերը, Կ. Պոլսում տեղի են ունեցել բազմաթիւ ձերբակալութիւնների՝ թիւրք զօգոն հոգևորականութիւնից: Տրագիկոնի անկումից յետոյ՝ երիտասարդ թիւրքերի դէմ գրգռումը սաստկանում է: Դերմանացիները սակայն լրբտեսների թիւն են շատացնում և ձերբակալութիւնների դիմում՝ զօգոնութիւնները խեղդելու համար: Հաղորդում են միւս կողմից, որ թիւրքաց պարլամենտի նախկին նախագահ Ահմէդ Ռիզա Բէյը բանակցութիւններ է սկսել թիւրք քաղաքական գործիչների հետ

միտցնելու քաղաքական կուսակցութիւններին՝ պետութեան անկման առաջն առնելու համար: Կարծում են, որ Ահմէդ Ռիզան շուտով առանձին հաշտութիւն առաջարկելու համար հոգ է պատ-
բաստում: Շատ մեծ ցնցում է պատճառել Թիւրքիայում Բաքերզի (Մայրուրդի) գրաւումը: Այդ գրաւումով Թիւրքիայի զէնքի յա-
ջողութեան մասին երազանքը բոլորովին ցնդում է այլևս:

«Ռուս. Սյուվոս Թերթին հեռագրում են, որ Գերմանիա-
յում երեան են եկել կոչեր, որոնք հրաւիրում են ժողովրդին
գործնական քայլեր անել պատերազմի դէմ: Կոչերը սոց. ուսմ-
կավար կուսակցութեան կողմից լինելով՝ ձերբակալուած են Ռու-
դա Լիւքսէնբուրգը և այլ սոց. ուսմկավարական ղեկավարներ:

Ըստ լուրերի Աւստրիայի կայսր Ֆրանց-Եօգէֆի ա-
ռողջութիւնը վատացել է:

Ջինաստանից չինական կուլիններ (քանուղներ) են սկսել
հասնել Ռուսաստան և Ֆրանսիա: Այս տարի կուղարկուեն մօտ
մէկ միլիոն անձ:

Յունաստանում տեղի են ունեցել անտառների ահաւոր չա-
փեր ընդունող հրդեհներ, որոնց առաջը հագիւ կարելի է եղել առ-
նել: Սակայն գաւառներից Աթէնք են հասնում զեռ ևս բազմա-
թիւ հեռագրեր նորանոր հրդեհների մասին: Աֆոն լեռան վրայ
ևս սկսել է հրդեհը. պատճառը համարւում է այս տարուայ երաշտը:

«Ռուս. Սյուվոս-ին հաղորդում են, որ Պարսից կառավարու-
թիւնը Կ. Պոլսի զեռպանի միջոցով կտրական բողոք է յայտնել
Թիւրքիային՝ որ նա խախտել է Պարսկաստանի հողային անձեռն-
մխելութիւնը:

Պարսկաստանը, ինչ որ այդ խախտումը շարունակուի, ստի-
պուած կը լինի պատերազմ յայտարարել Թիւրքիային:

Ստացուած տեղեկութիւնների համաձայն Փոքր Ասիայի այս
տարուայ հունձը շատ վատ է: Մի քանի տեղերում ցանքներն
ամբողջովին ոչնչացրել են մորեխները: Թիւրքիայի այն վայրերի
թուրք ազգաբնակիւթիւնը, որ գրաւել են ռուսները, ամբողջու-
վին զէպի արեմուտք են փախչում և այդ հանգամանքը սաստիկ
զժուարացնում է ապրուստը: Թիւրքիան ուղղակի սկսել է այժմ
իւր քաղաքներից խմբովին դուրս քշել քրիստոնեայ ազգաբնակիւ-
թիւնը և տեղաւորել Թիւրքերին: Յոյն, հայ—հաղարաւոր անօ-
թիւնը մնացել են քացթիւայ դաշտերում և լեռներում:

ՍՄՍԿԵՐՏԻ ՀԵՐՐ

ԴՈՒՍՈՐ ՎԵՂԻԱՄ ՀԱՐՏՎԻԼ ԿՐԻՍՏԻ

Վերջերս Ալաշկերտից Թիֆլիս էր եկել ամերիկացի բժիշկ
Վ. Հ. Կրիստին: Մի քանի օր մնալուց յետոյ՝ նա վերադարձաւ
Ալաշկերտ իր սկսած գործը շարունակելու: Հնայած որ անհրա-
ժեշտ կարիք ունէր հանգստանալ՝ քայքայուած առողջութիւնը
կազդուրելու համար:

Վից շարաթուայ գործունէութիւնից յետոյ՝ բժիշկը զեկուց
Հ. Կենտրոն. Կոմիտէի նիստին Ալաշկերտի շրջանի իր գործունէ-
ութեան մասին:

Նրա առաջին գործը եղել է տեղափոխել աւելի յարմար շի-
նութեան մէջ որբերին, որոնք առաջ լցուած էին մի քանի գո-
մերում, զուրկ տարրական յարմարութիւններից: Որբերին խնա-
մելուց զատ՝ նա յաճախել է շրջակայ գիւղերը, քննել է հիւանդ-

ներ, խնամել է և բաժանել զեղորայք. բացի այդ՝ ընդունել է իր
մօտ 386 հիւանդ:

Այդ գործունէութեանը ջերմագինս մասնակցել է բժիշկի
Թարգման և աշխատակցուհի օրիորդ Թադուհի Կիւրճեան, բնիկ
Պոլսեցի: Ապրելով Ամերիկայում երկար ժամանակ՝ օրիորդը տի-
րապետում է անգլերէնին, իսկ նրա ծանօթութիւնը տաճկահայերի
կեանքին՝ մեծ օգուտ է բերել բժ. Կրիստու ձեռնարկներին:

Օրիորդ Կիւրճեանի միջոցով ես խօսակցեցի բժ. Կրիստու
հետ զաղթականական գործերի մասին՝ նրա հայեացքները իմա-
նալու գիտաւորութեամբ: Նա մի Թափանցող հայեացք ձգեց ինձ
վրայ, հասկացաւ, որ Թերթի համար երեկ նիւթ եմ ժողովում,
խոժոռեց զէմքը և վճռականապէս մերժեց որեւէ բան պատմելու
տպագրութեան համար: Երբ ես մի շարժում արի հեռանալու
մտքով, նա նորից նստեցրեց ինձ և ասաց.

— Իմ հայեացքները տաճկահայերի մասին՝ մամուլի համար
չեն: Լինելով օտար, ես նկատում եմ այնպիսի արատներ, որոնք
ձեր այքին սովորական բաներ են և չեն էլ երևում անգամ:

Ապա բժիշկ Կրիստին նկարագրեց այն դժոխքը, որի մէջ
գտնւում է տաճկահայկական իրականութիւնը:

Մի բան, որ աւելի զբաղեցնում էր բժիշկին՝ այդ Տաճկա-
հայերի կրթական հարցն էր: Նա զարմանում է, որ այնքան շատ
աշխատող ձեռքեր կան զաղթականական գործում, բայց այնքան
սակաւ աշխատանք է երևում: Իսկ կրթական տեսակէտից ոչինչ
էլ չի կատարւում: Նրա կարծիքով, ուսումից պիտի սկսել Հա-
յաստանի վերաշինութեան գործը: Հայ լեզուն, հայ գիրքը և հայ
գիտակցութիւնը պէտք է մտցնել ամեն մի անկիւն, որտեղ կան
հայեր: Այդպէս միայն կարելի է հաւաքել և իրար կապել կիսա-
կործան ազգի ցաք ու ցրիւ բեկորները:

Բժիշկ Կրիստու գիտողութիւնները այդ առթիւ աւելի արժէք
ունեն, որովհետեւ նա ազգային ժողովրդական գործիչ է և ոչ ու-
ճիկով ծառայող պաշտօնեայ: Հետեւելով իւր խղճի ձայնին, նա
ձղիւ է իր հայրենի պճնազարդ նիւ-Եօրկը և եկել աւերած Ալաշ-
կերտը, կանգնել է մեր տառապանքների կողքին, ոչ սակաւ
տառապելով ընդհանուրի ցաւով:

Այդ տեսակէտից բժիշկ Կրիստին պատկանում է Մարդկու-
թեան այն ընտրեալ դասակարգին, որ չի կարող անտարբեր մնալ
զէպի մարդկային ցաւերը:

Պատիւ ու յարգանք՝ Ալաշկերտի մեր հիւր-գործչին:

Գ. Օ.

ՏԱՃԿԱՅԱՑԵՐ

Բ Ի Թ Լ Ի Ո Ի Տ Ա Ր Ե Դ Ա Ր Չ Ի Ն

ԹՐՔԱԿԱՆ ԳԱԶԱՆՈՒԹԻՒՆՆԵՐԻՑԻ)

Դ

Թէև մինչև Դատականի կոտորածը մարդկային գազան որ-
սորդները մի քանի անգամ պատահեցին մեզ, բայց մեր դիրքեր
անառիկ լինելով կարողացանք պաշտպանուել: 300-ից աւելի հա-
յեր ունէին 13 հրացան, 13-երորդ օրն էր, որ միմիայն կանաչե-
ղէնով էին անցկացնում Նէմրութ լեռան կատարների վրայ: Մեծ
ուրախութիւն պատեց մանաւանդ խապառուժափններին, երբ մի
էջ գտանք, մորթեցինք ու կերանք: 16-երորդ օրը յարձակուե-
ցին մեզ վրայ Նէմրութի լեակի ափին:

Ստուարաթիւ թշնամու յարձակումը անդիմադրելի էր. Նէմ-
րութի հրարիային ժայռուտներէ մէջ մեր անջրպետը տասն քայլ
մնաց, շարժումն ես բնազդական դարձաւ՝ երբ մահուան այդ ճղ-
նաժամին մեր անգէնները քարէ ընդհարման դիմեցին: Քարէ ընդ-
հարումը իւր հետեանքն ունեցաւ, ժանդարմաներին խառն համի-

*) Տէս շէմբուարեր 28 25.

դիաները յետ քաշուելով մեր անջրպետը քիչ լախացրին: Մինչև երեկոյ կողմուց յետոյ իրենց սպանուածներն ու վիրաւորները վերցնելով հեռացան քիւրդերը՝ երկրորդ օրը իրենց նպատակը իրագործելու համար: Մենք դուրս եկանք մեր զիրքերից և Մալազկերտի ճանապարհով առաջ անցանք: Երբ նէմուլիի ամֆիթատրոնաձև խառնարանից դուրս ելանք, Աստուած իմ, 30 վերստ շառաւիղով չըջանալի վրայ պնդուած էին քոչերի դժոխային կըրակները որպէս երկնքի աստղեր: Մենք մեր ինքնապաշտպանութեան ողորմելի ուժերից յոյսներս կտրած՝ կուշ եկանք սարսափահար և սկսեցինք փոփսալ մի ելք գտնելու: Մահ կամ ազատութիւն— փրկութեան միակ միջոցը, որոշել էինք, երբ մի փոքրիկ երեսխայի ճիւղ լսեցինք: Դնացի և ինչ տեսնեմ, մի մայր սպանուած և մէջքի վրայ ձգուած ազամային մեղկութեամբ, երկու փոքրիկ մանուկներ ձագուկների նման մազլցում են մեռած մօր ուռած կուրծքն ի վեր: Կուղէին փնտռել ստիքները կաթի տեղ ժանկահոտ արիւն ծծելու,— նախաւիրնք առ քսաներորդ դարի մարդասիրութիւնն ու արդարադատութիւնը: Ինչ երկարացնեմ, երեք զիշերուայ մէջ մայիսի 21-ին հասանք Մալազկերտ, և մինչև հոն հասնելը 300-ից 120 հոգի մնացինք: Մեծ մասը անօթութիւնից ճանապարհին մնացին ու կոտորուեցին, իսկ մի քանիս էլ հաց ուտելու և յետոյ մեռնելու նախընտրութեամբ մեղանից դադարի ալիսալ տեղեր անձնատուր եղան ու այնպէս կոտորուեցին:

Երբ հասանք Մալազկերտի մօտիկ Թանդուրակ գիւղը, ուսական առաջսպանները մեզանից խնային մեր զէնքերը: Մենք այդ մասին զիմեցինք հայկական սպայակոյտին (շտաբին), բայց մեր զէնքեր ետ չստացանք: Մենք ուսաներին սպասում էինք ինչպէս ազատարար հրեշտակների, բայց ինչ դառն եղաւ մեր յուսախաբութիւնը:

Ռուսական բանակը հայ կամաւորների Գ-րդ և Դ-րդ խմբերի հետ միասին փոքրիկ հետախուզական երթևեկուժով յապաղեց Վանումը մինչև յունիսի 8-ը, երբ որոշուեց վճռական յարձակում Բիթլիսի վրայ, թրքական աննշան ուժերի մասին ստոյգ տեղեկութիւն ստանալու հաւաստիքով: Արդ՝ յունիսի 12-ին թուրք կառավարութիւնը սկսում է Բիթլիսի հայերը կոտորելու ծրագիր մշակել: Յունիսի 13-ին ձերբակալեցին Արմենակ Յոսիկեանին և երկրորդ օր առաւօտեան կախեցին հրապարակում: Նոյն օրը հաւաքեցին բոլոր տղամարդկանց: Ճգնաժամը հասած լինելով դիմադրողներ շատ են լինում և տեղ-տեղ մինչև երեք օր կռիւ մղում: Հաւաքած տղամարդկանց երեք տեղ քանտարկում են և պահում երեք օր՝ բառիս բուն առումով անօթի ու ծարաւ Բանտարկուածներից շատերը նախապէս կողոպտուած, որոնց մէջ նաև պետական Սուլթանիէ դպրոցի ուսուցիչներ՝ թուրք զաւակներին դաստիարակող անձնաւորութիւններ՝ իրենց մեղկութիւն ծածկող հագուստները տալիս էին կառաւ պապիկներին մի պուտ ջուր ստանալու համար: Արդեօք բոլոր գազանները իրենց որսը տանջելով կը զուարճանան նախ քան սպանելը, թէ՛ միայն օսմանցին ու քուրդը: Այդ անպատմելի մահացուցիչ տանջանքներից յետոյ չորրորդ օրը, բոլոր իրար կապած 600-ի չափ հայերին խումբ-խումբ տանում են Խաթուն-գարաին (Բիթլիսի մի ձոր) և իւրաքանչիւր խմբատար զահիճները իրենց զանութեան ուրոյն սիւտեմներով պարծենալու համար գործ են դնում դժոխային տանջանքներ, ոմանց սպանում զնդակահար և ոմանց սրախողխող աւելով, ոմանց քարիւղով վառելով և ոմանց էլ՝ ողջ-ողջ թաղելով: Ճարաբաղդ հայ ամալիաներին ծածկել են տալիս հարազատ ձեռքերով հարազատների դիակները, իրենց նախապէս պատրաստած խրամների մէջ: Արդեօք այս աւելի դժուար չէ՞ քան այն, որ Գրիստոս շալակեց իւր խաչափայտը:

Տղամարդկանց կոտորելուց յետոյ հաւաքում են կին ու երեխայ: Դահլաւորակների վրայ յազմող այդ փափկասուն ու բարձր կրթութեան տէր կանանց հաւաքում են հրապարակի վրայ կիսամերկ դրութեամբ և մռնեստիկ կանչել տալով թուրք-քիւրդ

հասարակութեան հրաւիրում են ընտրել իրենց համար ուղած դեղեղի կինը: Մնացեալ տղեղներին, պառաւներին ու աւելի լատիսկան երեխաներին Միջագետք արտորելու պատրուակով հեռացնում են քաղաքից մի ժամ հեռու Խմրլուր գիւղի մօտ և կոտորելով լեցնում գետը: Բիթլիսի հայ կիները տղամարդկանց կոտորուելուց յետոյ նախամեծար համարեցին մեռնել, քան թէ զաւանարարոյ թուրքի ձեռք ընկնել: Մեծ մասը անձնատուր եղանք կախուելով, ոմանք թոյն ընդունելով և այլն:

Բիթլիս քաղաքի 108,000 հայ բնակիչներից կոտորածին ակնատես փախչելով ազատուել են մինչև այժմ միմիայն 13-հոգի:

Բիթլիսի կոտորածին բոլորովին չմասնակցեց և հակառակ եղաւ կառավարութեան ռեազործութեանց տեղացի թուրք ժողովուրդը: շատերը նոյնիսկ մտադրուել էին իրենց կարիքները հոգացող զրացի քիւրդա հայերին պահել: Բայց կառավարութիւնը տեղացի ազդեցիկներից Դէարոյի Նասին և մի քանի թուրքեր պատերազմական ատեանին է կանչում ու սպառնում կախաղանով, եթէ իրենց մտադրութիւնից ետ չմնան: Արդէն առաջին անգամ երրորդ կամաւորները քաղաքի մօտիկ Սորփ ու Խարզիթ գիւղերը հասան, թուրք և հայ երկու զրացի ժողովուրդի մէջ համաձայնութիւն կնքուեց, որ ուսաների տիրապետութեան հայեր պաշտպանեն իրանց, իսկ թուրքերի տիրապետութեան՝ իրենք հայերին: Նրանք հայերի հաւատարմութեան վրայ վստահանալով, այդ ժամանակ չգաղթեցին: Սակայն երկու զահնապետները, ձեռնեթն ու Խալիլ վրայ հասնելով, իրենց նոր ուժերով, կամաւորների յառաջխաղացումը կասեցրին և իրենց սեփական, զաւանային զերի մէջ մտան:

Վանի գրաւումից յետոյ Պաշալէի գծի վրայ ձեռնեթն ու Խալիլ պարտուելով յառաջացող ռուսական զօրքի ու հայ կամաւորների Ա. խմբի յարձակումներից, ձուլամբրիկի գծով նահանջեցին Սղերդ: Այնտեղ Մոսուլից նոր ուժեր ստանալով զօրքերի թիւը հասցրին 15,000-ի և իրենց պարտութեան առաջին զայրոյթը թափելով Սղերդի խեղճ հայերի դիմին, գազանային արարուածներով կոտորեցին ու անցան Բիթլիս: Բիթլիսի վերոյիշեալ սահմակցուցիչ ողբերգութիւնը կատարելուց յետոյ յունիսի 20-ին ձեռնեթն իւր կասապ թաքուրի անուն կրող կանոնաւոր զօրքով անցաւ Մուշ:

S Շահրապ

(Կը շարունակուի)

ՏՐԱՊԻԶՈՆԻ ՍԱՐՍԱՓՆԵՐԻՑ

(ՈՍՏԻԿԱՆԱՊԵՏԻ ՊԱՏՄԱԾԸ)

Այս օրերս Թիֆլիս էր եկել Տրապիզոնի նորահաստատ ռուս ոստիկանապետ պ. Օրաւեսկիյ, որի հետ՝ «Եւսովկ. Սլովո» աշխատակցի ունեցած խօսակցութիւնից՝ քաղում ենք հետեւեալը:

«Այն ամենը, ինչ ես կարդացել էի թերթերում—ասաց Օրաւեսկիյն—համեմատաբար չնչին են քան իմ լսածներն և ստուգածները ակնատեսներից, այլև այն նոր բազմաթիւ գերեզմաններից դատելով, որ հարկ եղաւ վերցնել տալ քաղաքամիջից համաճարակի առաջն առնելու համար: Ոչ մի ճարտար գրիչ չի կարող նկարագրել այն սարսափը, որը ես, ռուսներին աշխարհի հետ ծանօթս» ունեցայ թիւրքական գազանութիւններին մասին լսած պատմութիւնների շնորհիւ:

«Թիւրքական գազանութիւններին զեկավարելիս է եղել զիւրաւորապէս մի ոմն Հասան-Ռուստէմ օղլի: «Նորոգուած» Թիւրքիայի այդ ներկայացուցիչը, «Միութիւն» և «Յառաջդիմութիւն» կոմիտէտի այդ անդամը, սոսկման մէջ էր պահում ամբողջ քաղաքը և խոշոր փրկանքներ ստանում ամենից: Ստանալով միանշաղ մեծ գումարներ է. Պոլսից, նա է, որ կազմակերպել է հայերին խմբովին ջնջելու գործը և իրադրծել մայրաքաղաքից արուած պատուէրը խիստ անգութ կերպով: Նրա կազմած ա-

ազգականները, քաղաքի տականքներին ժողոված և իր ղեկավարութեամբ՝ ոչնչացրել են քաղաքի 8,000-ից աւելի հայերին: Ոչ որի չեն խնայել. ոչ մանուկ, ոչ ծերունի, ոչ կին: 4—5 տարեկան մանուկների, աղջիկների, այլև պառաւ կանանց բռնաբարել են ընդ որի ներկայութեամբ, ապա և սպանել: Հարուստ մի հայ անգամ, որ իր ժամանակին Հասան Ռոստէմին մեծ փրկանք էր տուել, չի ազատուել ընդհանուրի վիճակից: Ամբոխը, Հասանի առաջնորդութեամբ, պաշարել է նրա տունը, պահանջել դուրս բերելու տանտիրոջ սիրուն աղջիկը: Երեւոյն հայրը տեղն ու տղը՝ ինքն է իր ձեռքով սպանել մի աւ մի իր թուր որդիներին, իր աղջկան, ապա և անձնապաշտ է եղել: Գազան կտրած Հասանի հրամանով, դեռ ևս գիտակցութիւնը չէր կորցրած և օրհասական հօր առաջ աւազակներից մէկը բռնաբարում է արդէն դիակնացած աղջկան: Մի ուրիշ տեղ, ինչպէս պատմեցին ինձ, տեղի է ունեցել մի այսպիսի զազանաբարոյ տեսարան. Գիտին են գցել մի երկու տարեկան հայ մանուկ, ոտքի վրան կոխել է մի թուրք, իսկ միւսը ոտքը բռնած մանուկին պատուել՝ երկու կտոր է արել: Շտապով քանդուած գերեզմանների մէջ, միմիայն լի—1 արշին խորութեամբ, իմ ոտիկանները գտան երիտասարդ կանանց կտոր-կտոր արած մարմինների մասեր: Բանից դուրս է գալիս, որ Տրապիզոնը թողնուլուց առաջ, թիւրք սպաններից մի քանիսը—մեծ մասամբ գերմանացիներ—գուարճանալիս են եղել իրենց զոհերով, իսկ քաղաքից հեռանալիս, իբր շնորհակալութիւն, մանր մասերի են կտրտել աղջիկներին և թողել:

«Առաքելական անցեալի ոչ մի տանջանք ու շարշարանք չի կարող համեմատուել այն ամենի հետ, ինչ կրել է այստեղի հայ ազգաբնակիւթիւնը: Միմիայն անհուն ծովի չափ դարձած տանջանքի գոյութեամբ է բացատրուում այն անկարագրելի օւրախութիւնը, երբ ժողովուրդը իմացաւ թէ կոտորածներ ղեկավարող Հասան-Ռոստէմին բռնել էր ռուս իշխանութիւնը և դատարանով դատապարտել կախաղանի, նրան կախելը տեսնելու համար՝ նոյն իսկ նախընթաց օրուայ գիշերից և առաւօտ վաղ, շտապում էին մանուկ և ծեր, քաղաքից հեռու, այնպէս, ինչպէս ուխտի են գնում: Դահլիճ պաշտօնը կատարող «թեկնածուներ» անաչիւ էին: Դահլիճ եղող «բաղդաւոր» ընտրեալը երկաց որ, այն անձերից մէկն էր, որի տաս հոգուց բաղկացած ընտանիքը կտորել էր տուել Հասանը: Պէտք էր տեսնել, թէ ինչպիսի հերձուխով կատարում էր նա դահլիճի պաշտօնը... Հանգիստ սրտով կանգ էր առել նստարանի վրայ Հասանի կողքին. մեծ հանդիսաւորութեամբ վզին ձգեց թուրը, իջաւ աթոռից, ձեռքերով բաշեց շուանը, մի բոպէ դամուեց ու նայեց, ապասեց որ չարագործը իր վերջին շունչը տար, յետոյ փաթաթեց կախուածի մարմինը թուրով և առանց ետ նայելու՝ հեռացաւ...»:

Հ Ա Մ Բ Ե Ր

Օղեսայից հաղորդում են, որ վերջին երեք ամսուայ ընթացքում այնտեղ են հասել թիւրքիայից 500 հայ փախստականներ, որոնք ազատուել էին թիւրքերի ձեռքից և ապրում էին առ ժամանակ Բուլղարիայում և Ռումանիայում:

«Արմ. Եւրոպ.» հաղորդում է, որ Նիւ-Մօրկից լուր է ստացուած, թէ զեռ կենդանի են Ռուբէն Զարդարեան, Միամանթօ, Վարուժան, Ռաթակ, Շահրիկեան և ուրիշները և թէ նրանց թիւրք կառավարութիւնը Միջագետքից Գոլիս է տարել՝ դատելու համար:

Գերմաներէն «Էլան դ. Ռուսիայում» հրատարակել է գերմանացի ուսուցչականների և աւետարանական հոգևորականութեան ներկայացուցիչների մի կոչը՝ որ վերաբերում է թիւրքիայի խորքերը աքսորուած հազարաւոր հայերի սոսկալի դրութեանը: «Աքսորուած հայերի տանջանքն,—ասուած է կոչի մէջ,—

առանձնապէս կանանցը և երեխաներինը, բողոքում են զէպի երկինք: Համաշխարհային պատմութեան մէջ ազգերի ամենասուկալի զէպերից մինն է այս: Անհրաժեշտ է հայերին օգնել յանուն Գրիստոսի, որպէսզի պատերազմից յետոյ գերմանացիք խղճի սաստիկ խայթելը չը զգան: Աչքի տուջ ունենալով ներկայ վայրկենի բացառիկ պայմանները, անկարելի է պատկերացնել հայ ժողովրդի ողբերգութիւնը իւր թուր սարսեցուցիչ ճշտութեամբ»:

Սակայն այս կոչին օտորագրել են ընդամենը չորս քիչ յայտնի ուսուցչականներ և մի եպիսկոպոս: «Կուլտուրական» Գերմանիայի այնքան Գրիստոսասէր և քրիստոնեայ պատրոնների և եպիսկոպոսների մէջ միայն չորս հոգի են գտնուել, որոնք քաջութիւն են ունեցել մի վայրկեան Աստուած միտք բերելու: Աստուած բարաքեաթ տայ...:

Գեղարուեստ եւ Գիտութիւն

ԽՈՅԵՑ, ԱՆՑԱԻ...

Վարդերը այսօր բոյրով անուշ.
Անուշ կը բուրեն թախիծ, ձայն, ցաւ...
Ախ ո՞վ էր արդեօք աշովս այն նուշ
Նայեց վարդերուն, խոցեց, անցաւ:

Լուսնակը այսօր գունատ, անշոյ,
Անշոյ է, գունատ, յուշիկ լացաւ...
Ախ ո՞վ էր արդեօք ժպտով մաշող
Շոյեց լուսնակին, խոցեց, անցաւ:

Ու սիրտըս այսօր անմեռ, նւաղ,
Անմեռ է, նւաղ... վէրքեր բացաւ...
Ծնորք աղջիկն էր եկաւ, աւաղ,
Եկաւ, հրդեհեց, խոցեց, անցաւ...

Ազատ-Վշտունի

Գ. ԲԱՇԵՆՉԱՂԵԱՆԻ ՊԱՏԿԵՐԱՀԱՆԳԷՍԸ

Ա

Կիրակի, յուլիսի 3-ին փակուեց պ. Բաշենչաղեանի պատկերահանդէսը:

Գեղարուեստի և մասնաւորապէս նկարչութեան զաղափարն այնքան թույլ կերպով է տարածուած մեր հասարակութեան մէջ, որ պատկերահանդէսներին վերաբերուած են միանգամայն սառն անտարբերութեամբ:

Մեր հաւաքած տեղեկութիւններից պարզուում է, որ այցելուների թիւը ցուցահանդէսի ամբողջ 2¹ ամսուայ գոյութեան ընթացքում յաջող զէպում հասնում էր 3,000-ի: Ընթերցողը կը զարմանայ, որ բանիմաց համարուած Թիֆլիսը իր 450,000 ազգաբնակչութեամբ միմիայն այդքան այցելուներ ունի:

Միւս կողմից զարմանում ենք, որ քաղաքը ունենալով մի քանի տասնեակ միջնակարգ ուսումնարաններ, ուր նկարիչների միջոցաւ աւանդուած են նկարչութեան դասեր, բայց գեղարուեստի զաղափարը աշակերտների մէջ այն տատիւն բացակայում է, որ նրանք այցելուների 50% անգամ չեն կազմում:

Այդ այցելութիւնները բնորոշում են մեր հասարակութեան ճաշակը: Ուրեմն ովքեր են այցելում. մի քանի տասնեակ տեղական

սիրողներ, ճանապարհորդներ, գիտություններ և նկարչին համակրողներ կամ ծանոթներ:

Եթէ թիֆլիսը Մոսկուայի նման ունենար մի Տրետեակովսկու հռչակաւոր պատկերների թանգարան, կամ Պարիզի նման մի Լուվր կամ Վիէնայի պէս երկու հռչակաւոր մշտական պատկերահանգէս կամ պատկերների թանգարան, այն ժամանակ մենք կը հասկանայինք այցելուների բացակայութեան պատճառները:

Ինչպէս զբաղանութիւնը, քանդակագործութիւնը (սկուլպտուրան), նոյնպէս և նկարչութիւնը իբր զեղարուեստ հասել է ամենաբարձր արուեստի (աէսթետիկայի), պատկերացնում է մեր առջև ոչ միայն առանձին անհատների պատկերներ, այլ ամբողջ տիեզերքը, երկինքը, երկիրը, անասունները, կենդանիները և այն, ինչ որ կոչում են նկարչները *nature morte*—մեռած բնութիւնը:

Գեղարուեստի իմաստը բացատրողներն են Ֆրանսացիք—այդ զեղարուեստագէտ ազգը:

Գեղարուեստի էութիւնը ամենալաւ և ամենաճիշտ բացատրութիւն տուողը Պարիզի զեղարուեստագիտութեան դպրոցի ուսուցչապետ Իպպոլիտ Տէնն է եղել:

Ըստ նորա տեսութեան առ հասարակ զեղարուեստի և մասնաւորապէս նկարչութեան էութիւնն այն է, որ նկարչը, հեղինակը աշխատում է վերարտադրել առարկայի գերիշխող գաղափարը, ձգտելով առարկայի էական մասը պատկերացնել:

Կան ոմանք, որ էական համարում են՝ տալ հասարակութեան երևոյթների կենսունակութեան պատկերը, պատրանքը (*illusion*): Կան ուրիշներ, որ ձգտում են պատկերացնել վերացական դրամատիկը կամ որոշ առնչութեամբ հետաքրքրող երևոյթներ: Եւ եթէ մենք պնդենք այն մտքի վրայ, որ նկարչը պիտի արտայայտի այն կեանքի քաղցրն ու սիրելին, բնութիւնը կամ մարդիկ, իրականութիւն կամ ցնորք, պիտի ընդունենք, որ կեանքի մէջ ամեն բան արժանի չէ զեղարուեստի ուշադրութեան, թէպէտ կենսունակութեան պատկեր է, օրինակ մեր անասնական կեանքը: Մեր կեանքի անցքերից հետաքրքրական և զեղարուեստների վրձինին արժանին կախուած է անձնական ճաշակից: Իսկ պատկերացնելիք մի որոշ առարկայի հետաքրքրական կողմը նշանակում է առարկայի բնորոշ, էական մասը պատկերացնել այնպէս, որ նկարչի պատկերը տեսողը ըմբռնի առարկայի էական բնոյթը, գաղափարը այնպէս, ինչպէս ինքը նկարչը: Այսպիսով ամեն մի զեղարուեստական պատկեր պիտի տալաւորութիւն գործէ մեզ վրայ գաղափարով և ձևով ազդեցութիւն՝ (էֆֆեկտներ), աւրուեստ՝ (տեխնիկա) և գաղափարի ձևին համաչափ ու համապատասխան:

S. Աթաբեկեան

(Կը շարունակուի)

† ՈՒՅՈՒՅՁԱՊԵՏ Ի. ՄԵՋՆԻԿՈՎ

Պարիզում յուլիսի 2-ին վախճանուեց աշխարհոյշակ դիտնական-բնագէտ Ի. Մեջնիկովը, որի կորուստը ամեն տեղ, մանաւանդ Ռուսաստանում, պիտի մեծ ցաւ պատճառի: Հանգուցեալը թէև 71 տարեկան էր, սակայն լի էր դեռ աշխուժով և անխռն կերպով աշխատում էր մինչև իր կեանքի վերջին օրերը:

Մեջնիկովի գիտական աշխատութիւնները շատ են և բնդ-մեաւոր: Նա ոչ միայն իր կենդանաբանական, մարդաբանական և տիտաբանական կարևոր գործերով է յայտնի, այլև համարում է, Ա. Կաւալիսկու հետ, հիմնադիր անողնաշարների սաղմաբանութեան հիմնադիրը: Հռչակաւոր գիտնականի ջանքերը վերջերս ուղղուած էին ուսումնասիրելու կենդանական օրգանիզմի կոիւր ախտաբան մանրէների դէմ:

Մեջնիկովը ոչ միայն հռչակաւոր գիտնական էր, այլև շատ

յայտնի ժողովրդականացնող գիտութեան խօսքերի և եզրակացութիւնների, ծայտնի է մանաւանդ նրա տեսութիւնը երկաթակեցութեան մասին:

Գրականութիւն

Կ Ո Ւ Ռ Օ *

—Կոիւր վերջացել էր, մենք տեղաւորուեցինք, որ հանգստանանք՝ գիւղի եզրին, մի բլրակի վրայ: Նոսր մշուշը թեթեւեղուում էր շրջակայ սարերին. եղանակը ցուրտ էր, անգուրեկան, գէշ տրամադրող:

Դուրսը քրդական էր, շէյխապատկան: Շէյխը կոռուց գեռ երկու օր առաջ հաւաքել էր իր կանանոցն ու բոլոր ինչքը և երկրի ներսը քաշուել: Մնացել էր նրա երկյարկանի մեծ տունը, որ մի պալատի էր նման՝ քրդական միւս բնակարանների կողքին:

Մութը վրայ հասաւ. մենք գիշերեցինք բացօդեայ: Առաւօտը, զարթնելուցս յետոյ՝ ես աչք ածի դէպի շէյխական շէնքը և նկատեցի, որ մի լամուկ ման է գալիս նրա չորս կողմը՝ հանգիստ ու անփոյթ: Ուրիշներն ևս նկատել էին նրան և տղաներից՝ Սեթօն ու Կարապետը ուղղուել էին դէպի նա:

Կուռօն տեսաւ մօտեցող տղաներին, բայց շարունակեց անտարբեր ման գալ և կանդ առաւ այն ժամանակ միայն, երբ տղաները չորս-հինգ քայլից ձայն տուին նրան: Շուտ եկաւ, ձեռքերը տարաւ՝ զրկեց մէջքին ու անխռով մտիկ տուեց:

Լամուկին բերին մեզ մօտ: «Քրդու ճուտ է, անունը հարցուցինք՝ չուգէ ասել»—զեկուց Սեթօն ծիծաղելով և մտերմաբար ձեռքը մեկնեց զիպի լամուկը, որ ուսը թակի...

—Որո՞ւ...—զիլ խնչացրեց լամուկը և յօնքերը կիտելով՝ նայեց ուղիղ մեր կողմը:

—Շնաւ է տը չիւ՝, բազէ մնա...—ուրախ դարձաւ նրան մեր հրամանատարը և ձեռքով արեց որ մօտ գայ:

—Ենալի Ամօ-օղլի»—անմիջապէս պատասխանեց լամուկը և առաջ եկաւ՝ քարն տուեց:

Սեթօն ու Կարապետը հրճացին զուարթ. «հապա ինչու մեզ չասացիր»: Քրդի ճուտը խէթ-խէթ նայեց երկուսին էլ՝ օտից մինչև զուրի:

—Դու այստեղ ի՞նչ գործ ունես»—շարունակեց հրամանատարը: «Մօտ եկ, տեսնեմ, մի վախենա՛ւ: Լամուկը մօտեցաւ և հանգիստ, առանց շփոթուելու և շտապելու, պատասխանեց հրամանատարի բոլոր հարցերին: Ոչ աջ էր նայում, ոչ ձախ, այլ աչքերը տնկել էր հրամանատարի շրթունքներին և ամեն պատասխանից յետոյ՝ նոր հարցի սպասում:

Պարզուեց, որ թալիլ շէյխի աւագ ձիապանի երեխան է: Մայր չունի: Հայրը նախորդ օրը առաւօտն էր փախել՝ վերցնելով և տղային: Բայց տղան, այսինքն թալիլը, ճանապարհին մի տեղ մտել էր անտառ՝ փախչող նապաստակի յետևից, մօլորուել էր, իւրայինների հետքը կորցրել և շատ թափառելուց վերջը՝ վերադարձել էր գիւղ:

Դիշերը անց է կացրել աղբրի գլխին՝ ժայռերի մէջ: Լոյսը բացուած, շէյխի տունն է եկել:

Թալիլը կը լինէր հագիւ 10—11 տարեկան՝ տղերին նայած, որոնք մանկօրէն վայրենի էին, և շրթունքներին նայած, որոնք անդադար հուպ էին գալիս՝ երեխաներին յատուկ չարածճի կամակորութեամբ: Դէմքը խիստ թուխ էր, ճակատը փոքրիկ ու

*) Կուռօն քրդերէն տղայ. ինչպէս որ տեղիկ տղան էլ հայ գիւղացիների կոչում է սլամուկը:

**) Անունը ինչ է, բէգ:

նեղ, բայց ամբակուռ. մազերը ամխաղցոյն՝ քարածուխի պէս տեղ-տեղ փայլուն: Կունդ հասակ ունէր՝ երկար սրունքներով, տափակ ասնաթաթերով: Ձայնը՝ բոլորովին մանկական ու զիւր...

—Բա մըզանայ վախեցար՝ վէշ, վէր մինակ եկաւ ըս մեր կողմը—կատակ արեց ջիւանշիբցի Տիգրանը և կատակի էլ ձեռով օջ ձեռքի երկու մատը ուղղեց Խալիլի աչքերին, «վախ՛մ չը՛ս բա, վեր հանց աչքերդ հանինք»...

—Ռո՛ւ...—խնչացրեց Խալիլը կրկին և երկու քայլ յետ քաշուելով՝ բռնեցրը ազմեց:

Ընդհանուր քրքիջ փրթեց տղաների մէջ: Մէկ ուրիշը մօտեցաւ, որ երեսը շոյի, դարձեալ «ռո՛ւ» արեց ու շուռ եկաւ, կանգնեց նրա գէմ՝ պաշտպանուելու վճռականութեամբ...

—«Լմե՛ծ»—ակամայ բացականչեց Տիգրանը, «բոխին եշի»:

Նորից փոփոխեց «Ռո՛ւ... ռո՛ւ... ռո՛ւ»—անցաւ բերնէ բերան և ստեղծուեց մի շատ ուրախ տրամադրութիւն:

—«Շաքար խօշի՛շ»—սրախօսեց Վանօն ու երեք կտոր շաքար մեկնեց: Խալիլը նայեց, ապա վերցրեց ու հանգիստ-հանգիստ գրպանը դրեց:

—«Իսկ էս խօշի՛շ»—կրկին սրախօսեց Վանօն՝ ականջ քաշելու ձևն անելով...

Խալիլը բարկացաւ՝ «Ռո՛ւ...»

Այդպէս ուրախ-զուարթ ամբողջ մի ժամ անցաւ: Խալիլն ընտելացաւ ամենքիս, և երբ քիչ յետոյ ճաշ բերին հրամանատարի համար, նա անխռով սպասեց, որ իրան ևս կանչենք: Կանչեցինք, եկաւ, չոքեց վարպետօրէն, ձեռք տաւ մի կտոր խորոված, մի կտոր հաց ու սկսեց ուտել՝ անփոյթ ու յամառ կերպով:

—«Կուտօ»—գարձաւ նրան հարիւրապետ Գրիգորը—«նանէ ֆլան ժուռաւ հալալ քը»)

Կուտօն զարմացաւ ու դունչը տնկեց՝ լսողութիւնը լարեց և վարձեւ հոտ էր ուզում առնել օդի միջից: «Ձըլ՛»—անվստահ հարցրեց նա Գրիգորին և ինքն էլ հենց աւելացրեց խնոյն՝ «նա, տաւ տը խապինի... տաւ տը խապինի»^{*)}:

—«Աստուած վիայ, մենք հայ ենք»—փորձեց համոզել Գրիգորը լուրջ տոնով:

Խալիլը տարակուսեց, նայեց աջ ու ձախ, մտիկ տուեց ներթով՝ հրամանատարին, Գրիգորին, Տիգրանին... մեր ատրճառակներին նայեց, փամփոխակալներին նայեց ու վերջն ասաց. «է՛լ չմա սիլըն ոյ հանը. սիլըն ֆլան թունը»^{**)}:

Վ. Վալադեան

Մոսկուայից հաղորդում են թերթերին, որ Վալէրիյ Բրիւսովի խմբագրութեամբ հրատարակուող՝ «ուսերէն լեզուով» «Հայ բանաստեղծութիւնը» ժողովածուն թէև արդէն պատրաստ է և տպագրուած, բայց հրապարակ կը հանուի միայն օգոստոսի 15-ից յետոյ, որովհետև ամառը գրքի տարածումը լաւ չի կատարուի:

Գ Ր Ա Կ Ա Ն Ն Ո Ր Ո Ւ Թ Ի Ի Ն

Լուր է ստացուած մայրաքաղաքից, որ Գիտութեանց Ճեմարանը որոշել է առանձին գրքով լոյս ընծայել Տիկին Մանուշակ Աստուածատրեան Բողոքանեանի մի աշխատութիւնը, որ կրում է «Հայերը և Հայաստանը XIX դարի ուսումնական պարբերական մամուլում» վերնագիրը: Հեղինակը այդ աշխատութիւնը պատկերացրել է բերել մի քանի տարուայ ընթացքում, աշակցութեամբ հանգուցեալ Կարապետ Եզեանի: Գործը պարունակում է 2586 յօդուած՝ դասկարգուած 248 լրագրում ու ամսագրերում: Տիկին Մա-

նուշակ Բողոքանեանը ինքն ասում է, որ իր տեսութեան մէջ կարող են պատահել բաց թողուած հատուածներ ու պակասութիւններ, որովհետև հնար չի եղել բոլոր պարբերական լրագրերից օգտուել, իսկ շատ դէպքերում հայ ժողովրդի մասին կարող էր յիշուել և այնպիսի յօդուածներում, որոնց վերնագրերը հիմք չէին տալիս ենթադրելու, թէ դրանք հայոց մասին են: Սակայն այդպիսի հնարաւոր պակասութիւններով հանդերձ՝ տ. Բողոքանեանի աշխատութիւնը գնահատելի օժանդակիչ է նրանց համար, որոնք հետաքրքրուում են զէպի հայերն ունեցած ուսումնական վերաբերմունքի հարցով: Այդ բանը մատնանշում է, ի միջի այլոց, Ն. Ե. Մառն իր զգացուած գեկուցման մէջ, որի գնահատութեան հիման վրայ և Ակադեմիան որոշեց լոյս ընծայել այդ աշխատութիւնը:

Մ ա մ ու լ ի

Մի րոն «Բոռ» (БОРО), որին փրփրեցրել է հայերի կուրտութեան, եթէ ոչ իրական, դոնէ երազային ձեռնարկութիւնները, որի բունը խանգարել է Ազգագրական ընկերութեան 18 սրահներից բաղկանալիք ապագայ թանգարանը և որին անմարսելի է այն «յանդգնութիւնը», թէ ինչպէս են համարձակուում հայերը ազգային թանգարան երազել և կամ հայ բժիշկները իրենց յատուկ ընկերակցութիւնն ունենալ—այդ Բոռը, ահա, դարձեալ «իսկական ուսման» «Գոլոս Կաւկաս» թերթում ուղղակի սկսել է հայոյնի հայերին, ծագրել նրանց տառապանքները, հեղինկ նրանց սպասելիքները... Յիրաւի, ինչպէս է համարձակուում այդ «փոքրիկ անկիրթ ազգը» ունենալ լաւ հեռանկարի անուրջներ, իր ազգային ինքնութիւնը պահպանելու մտածութիւններ: Այդ «վայրենի», այդ փոքրիկ անկիրթ ազգիկը», ոչ միայն յանդգնում է թանգարաններ երազել, այլև ցանկանում է «իշխել Կովկասում, իր ձեռքն առնել հասարակական բոլոր գործերը, առևտուրն ու արդիւնաբերութիւնը՝ կրթնելով իր հաւաքած հարստութեան վրայ»:

Եւ որովհետև այդ «ազգիկը» այդպան ազան է՝ «Իժուար թէ կարող լինի սիրելի դառնալ իր ամենամօտ դրացիներին»...

Հասկանալի է այս: Ատելութեան կոչ անող այս խօսքերը ինչով պակաս են պաղրոմշիկների խօսքերից:

«Հետաքրքրական է—շարունակում է թերթը—թէ անկիրթ ու վայրենի այդ ազգը իր մի բուռը ինտելիգենցիայով մինչև որքան հեռու կը գնայ՝ ազգային առանձնացումներով»:

Եւ իսկ հասկանալի է, չէ՞: Ապա, աւելի հեռուն—

«Նոյնպէս առեղծուածային է թւում մեզ հայ թերթերի այն յոյսը, որով նրանք շուտափոյթ լուծուեն են սպասում իրենց ազգային անվերջ կարիքների և այդ յոյսը կապում են Կաթողիկոսի Թիֆլիս գալու հետ»...

Ահա թէ ինչ է բարբառում այդ մասին «Գոլոսը»:

«Գառնեցա՞մը դեռ իր բռնկման մէջն է: Կատաղութիւնը զրազուած է դեռ ևս, միայն բարեյայտող վերջաւորութեան զէպքում կարելի պիտի լինի ուշադրութեան բաժին հանել այդ փոքրիկ անկուլտուրական ազգիկի պահանջներին»...

Լաւ է գիտենալ երբեմն ու յիշել, որ մեր քթի տակ կան այսքան լաւ բոռեր:

Վ Ե Ր Զ Ի Ն Ժ Ա Մ Ի Ն
20 Ր Ա Կ Ո Չ Ա Յ Լ Ա Յ Ե Ղ Ե Ր Ի

Թագաւոր Կայսեր այս յունիս 25-ի Բարձրագոյն հրովարտակով՝ գործող բանակի շրջանում պաշտպանողա-

*) Տղայ, հայի հացը քեզ հայալ լինի:
**) Ձէ, դու խաբում ես... դու խաբում ես:
***) Հապտ ինչու զէնք ունէք, հայը զէնք չունի:

կան շինութիւններ և զինուորական հաղորդակցութիւններ կառուցանելու, նոյնպէս և պետական պաշտպանութեան անհրաժեշտ ամեն տեսակ ուրիշ աշխատութիւնների համար — ներկայ պատերազմի ընթացքում հրամայւում է զօրակոչ անել Կայսերութեան յետագայ այլացեղ արական բնակչութիւնից՝ 19 — 45 տարեկանները. — Աստրախանի, Սիրիի բոլոր նահանգներից և գաւառներից, բացի թափառականներից, ծովամերձ շրջաններից, Ամուրի, Կամչատկայի և Սախալինի գաւառներից, Եսկուտի, Միչին—կուլմի, Վերխոյանի, Վիլիւյի, Ենիսէյի նահանգի Տուրուխան և Բուզուչան մասերի. Տոմսկի, Տորոլի, Սիբ—Դաբիայի, Ֆէրգանի, Սամարղանդի, Ալմուլինսկի, Սեմիպալատինսկի, Սեմիբրիչինսկի, Ուրալեան, Տուրգանեան գաւառներից և Անդրկասպեան երկրից, Թերեքի և Կուբանեան շրջանի և Անդրկովկասի մահմեդական ազգաբնակչութիւնը (բացի զինուորական ծառայութեան ենթարկուող օսման—մեդականներից, նոյնպէս զինուորագրութեան չենթարկուող թիւրքերից և ընդգրկելից), Անդրկովկասում ապրող եզդիներից, քրիստոնեայ ենզիւրներից, քրիստոնեայ արխաղներից, տրուսմէններից, նոգայներից, կալմուխներից և Ստաւրապոլի նմանօրինակ այլացեղներից:

Ռուս յաղթական զօրքը Կովկասեան ճակատում զբաւել է Բդի քաղաքը, որ մի կարեւոր հանգոյց է ղէպի Խարերդ և Էրզրում տանող ճանապարհների վրայ:

Խմբագիր՝ ՍԱՄՍՈՆ ՅԱՐՈՒԹԻՒՆԵԱՆՑ
Հրատարակիչ՝ Կ. Հ. Բ. ԸՆԿԵՐՈՒԹԻՒՆ

Յ ա յ տ ա ր ա ր ու ը ր ի լ ն ն Ե ր

Դ Ի Լ Ի Ջ Ա Ն Ի

որբանոցների համար հարկաւոր է ՁԻՍՈՒՑԻՉ-գիւղատընտես: Ցանկացողները պէտք է գիմեն՝ Թիֆլիս, Բարեզ, Ընկ. գրասենեակ:

Абась-Абадская площадь, д. № 7. կամ Դիլիջան պ. Տիգրան Աղանեանին:

Կ ու ռ ա ծ Ե ր Ե խ ա ն Ե ր

Գաղթական կին, ՍԻՐԱՆ անունով, ՓՆՏՈՒՄ Է ԻՐ ՈՐԴԻ Պաշտուր Սարգսեանին, 18 տարեկան. պարագում է կօշկակաբուքեամբ, Պուժար գիւղացի: Սորա երեք եղբայրները մօր հետ միասին ապրում են Դիլիջանում: Այս պատանու տղան իմացողներից խնդրում ենք յայտնեն Դիլիջան, իշխանուհի. Մ. Թուժանեանին: 1—1

Դիլիջանի Ա. որբանոցում գտնուած օր. Զարուհի Վերդոյեան (Մարմետի) փնտրում է իր 3 եղբայրներին. Դէորդ՝ 15 տարեկան և Սարգիս՝ 14 տ. խնդրում ենք նրանց հասցէն իմաց տան Հայոց Կենտ. Կոմ. կամ օրիորդին: 1—1

ՀԱՅԿ. ԿԵՆՏ. ԿՈՄԻՏԵԻ ԱՐՃԵՍՏԱՆՈՑՈՒՄ
Գանձակայա փող. № 3. ծախւում են երեխաների շորեր մատչելի գներով, սրբիչներ, ծրարներ, փոստի թուղթ և այլն: Ընդունում են պատուէրներ աթոռների վերանորոգութեան:

ՄԱՍՆԱԻՈՐ ԴԱՍԻՐ

Գերմանիայում աւարտած և երկար տարիների փորձառութիւն ունեցող մի ուսուցիչ ընդունում է աշակերտներ պատրաստելու **ԳԵՐՄԱՆԵՐԷ, ՖՐԱՆՍԵՐԷ** և **ԱՅԵՐԷՆ**: Հարցնել ձեռնարկարարի խմբագրատանը, տաւառտեան ժամի 1-ից մինչև 2-ը: 4—2

ԼՈՅՍ ՏԵՍԱԻ Գ. ԷԴԻԼԵԱՆԻ ԱՇԽԱՏՈՒԹԻՒՆՆԵՐԸ

ՍԵԴՐԱՔ ՄԱՆԴԻՆԵԱՆ

Գինն է 20 կոպ.

ՀԵՂԻՆԱԿԻ ՄԻՒՍ ԵՐԿԵՐԸ

Քննադատ. Յիլլերի Զեական աստիճանների.	50 կ.
Դասաւանդման ձևեր.	50 կ.
Դասաւանդման խնդիրներ	65 կ.
Շանթի Հին Աստուածներ	15 կ.

ԱԴԱՍԵԱՆԸ ԴԵՐԵՐՈՒՄ

ՇԲԵՂ ՊԱՏԿԵՐ 11 ՆԿԱՐՈՎ

50 կոպ. կաւճային թղթի վրայ և 30 կոպ. ընտիր թղթի վրայ: Լոյս տեսաւ ԱԴԱՍԵԱՆԻ ԱՄԵՆԱՅԱՋՈՂ և բոլորովին աւյայտ երկու պատկերը և նորա թարմ գերեզմանը, ծածկուած ծաղիկներով և պսակներով: Գինը 20 կոպ. կաւճային ընտիր թղթի վրայ Վաճառում է բոլոր Թիֆլիսի հայ գրալաւառների և պատկերալաւառների մօտ:

Դուժարով գնողները թող գիմեն պանսոնը՝ Тифлисъ, Вознесенская 45-Ольга Генджимъ. գինում 30%: 3—3

Продолжается подписка на

Первый и единственный по типу ежемѣсячный иллюстрированный журналъ

„АРМЯНЕ и ВОЙНА“

Посвященный вопросам армянской жизни въ связи съ войной. ЦѢЛЬ ЖУРНАЛА: широкое освѣдомление общества съ армянской дѣйствительностью.

Въ журналѣ принимаютъ участіе извѣстные русскіе и армянскіе литераторы и журналисты.

ПОДПИСНАЯ ЦѢНА:

За годъ. 3 р. — к.		За 3 мѣсяца 75 к.
• 1/2 годъ. 1 р. 50 к.		Отдѣльный номеръ . . . 25 к.

Подписную плату можно присылать марками. Пробный номеръ высылается за 3 десятикопѣечныя марки.

Адресъ конторы и редакціи: Одесса, Польская ул. № 16.